





十七史經說卷一



昭文

張金吾

輯錄

史記引經上

鴻漸于磐

下經漸

集解漢書音義曰磐水涯堆也漸進也

武帝本紀注

其臭如蘭

繫辭上

索隱劉氏云山海經曰臭如蘼蕪易曰其臭如蘭是臭為草

之香也

禮書注

師出以律

上經師

索隱易稱師出以律是律於兵械尤重也

律書注



君子尚消息盈虛

正義皇侃曰乾者陽生為息坤者陰歿為消麻書注

彖傳

正義彖吐亂反上彖卦下辭下彖爻卦下辭孔子世家注以下然同

象傳

正義上象卦辭下象爻辭

繫辭傳

正義繫如字又音系

同明相照同類相求

正義天欲雨而柱礎潤謂同德者相應伯夷列傳注

雲從龍風從虎

集解王肅曰龍舉而景雲屬虎嘯而谷風興張璠曰猶言龍

從雲虎從風也同上

聖人作而萬物覩

集解馬融曰作起也索隱謂聖人起而居位則萬物之情

皆得覩見故已今日又得著書言世情之輕重也正義聖

人有養生之德萬物有長養之情故相感應也

小孤汜濟濡其尾下經未濟

春申君列傳上書說秦昭王曰王若負人徒之眾仗兵革之強乘毀魏之威而欲以力臣天下之主臣恐其有後患也易



曰狐涉水濡其尾此言始之易終之難也 正義言狐惜其尾每涉水舉尾不令濕比至極困則濡之譬不可力臣之也 亢龍有悔 上經乾

蔡澤列傳謂應侯曰忍不能自離疑不能自決必有四子之禍矣易曰亢龍有悔此言上而不能下信而不能誦往而不能自返者也

井泄不食為我心惻可用汲王明然受其福 下經井

集解向秀曰泄者浚治去泥濁也張璠曰可為惻然傷道之不行也 索隱京房易章句言我之道可汲而用上有明主汲我道而用之天下然受其福故曰王明然受其福也 屈原傳注

九二坎有險 上經坎

索隱言君子見險則止也 賈誼傳注

易

正義易所以潔靜微妙上辨二儀陰陽中知人事下明地理也 司馬相如傳注

司馬相如傳如贊易本隱之以顯 集解韋昭曰易本陰陽之微妙出為人事乃更顯著也 索隱虞喜志林曰易以天道接人事是本隱以之明顯也

師出以律 上經師

索隱古者師出以律則凡出軍皆聽律聲故云聞律效勝負



望敵知吉凶也太史公自序注

正義古者師出以律凡軍出皆吹律聽聲律書云六律為萬事根本其於兵械尤為所重故云司馬兵法所從來尚矣同上

右易

曰若稽古帝堯堯典

集解謚法曰翼善傳聖曰堯 索隱堯謚也放勳名帝嚳之

子姓伊耆氏按皇甫謚云堯初生時其母在三阿之南寄於伊長孺之家故從母所居為姓也

曰放勳同上

史記正義言堯能放上代之功故曰放勳五帝本紀注

克明俊德同上

史記作能明馴德

史記索隱徐廣讀馴為訓訓順也言聖德能順人也按尚書作俊德孔安國曰能明用俊德之士與此文意別也同上

平章百姓同上

史記作便章百姓

史記集解鄭卒讀便作辨解云辨別章明也百姓羣臣之父子兄弟同上

麻象日月星辰敬授人時同上

索隱謂命羲和以麻數之法觀察日月星辰之早晚以敬授人時也同上

曰暘谷同上



索隱史記舊本作湯谷按淮南子曰日出湯谷浴於咸池則湯谷亦有他証明矣同上

寅賓出日平秩東作同上

正義三春主東故言日出耕作在春故言東作同上

索隱劉伯莊傳皆依古史作平秩尚書大傳作辯秩則是訓秩為程言辯課其作程者也同上

鳥獸孳尾同上

集解說文云尾交接也同上

宅南交同上

索隱孔安國曰夏與春交此治南方之官然則冬與秋交何

故下無其文且東隅夷西昧谷北幽都三方皆言地而夏獨不言地乃云與春交斯不例之甚也南方地有名交趾者或古文畧舉一字名地南交則是交趾不疑也同上

平秩南訛敬致同上 史記作平秩南譌

索隱為依字讀春言東作夏言南為皆是耕作營為勸農之事孔安國強讀為訛字雖則訓化解識釋亦甚紆回也同上

正義譌音于偽反命義叔宜恭勤民事致其種殖使有程期也同上

日永星火以正仲夏同上

集解馬融王肅謂日長則晝漏六十刻夜漏四十刻鄭子曰



日長者日見之漏五十五刻日不見之漏四十五刻同上

宅西同上

集解徐廣曰西者今天水之西縣也駟按鄭氏曰西者隴西之西今人謂之允山同上

曰昧谷同上

集解徐廣曰一作柳谷同上

索隱柳谷亦日入處地名同上

宵中星虛同上

索隱虛舊依字讀而鄒誕生音墟按虛星主墳墓鄒氏頗得

其理同上

曰幽都同上

索隱案山海經曰北海之內有山名幽都蓋是也正義按

北方幽州陰聚之地同上

平在朔易同上 史記作便在伏物

索隱使和叔察北方藏伏之物謂人畜積聚等冬皆藏伏尸子亦曰北方者伏方也尚書作平在朔易今案大傳云便在

伏物太史公據此而書同上

暮三百有六句有六日以閏月定四時成歲同上

索隱夫周天三百六十五度四分度之一是天度數也而日行遲一歲一周天月行疾一月一周天日一日行一度月一



日行十三度十九分度之七至二十九日半強月行天一匝又逐及日而與會一年十二會是為十二月每月二十九日過半年分出小月六日是每歲餘六日又大歲三百六十六日小歲三百六十五日舉全數云六十六日其實一歲惟餘十一日弱未滿三歲已成一月則置閏若三年不置閏則正月為二月九月<sup>年</sup>差三月則以春為夏十七年差六月則四時皆反以此四時不正歲不成矣故傳曰歸餘於終事則不悖是也同上

疇咨若時登庸同上

正義言將登用之嗣位也同上

脩子朱啟明同上

同上

史記作嗣子開明

正義帝堯脩嗣之子名曰丹朱開明也按開解而達也帝王

紀云堯娶散宜氏女曰女皇生丹朱汲冢紀年云后稷放帝

子丹朱范汪荊州記云丹水縣在丹川堯子朱之所封也括

地志云丹朱故城在鄧州內鄉縣西南一百三十里同上

都共工同上

同上

集解鄭子曰共工水官名同上

靜言庸違象恭滔天同上

同上

正義言共工善為言語用意邪僻似於恭敬罪惡漫天不可用也同上



咨四岳 同上

集解鄭彖曰四岳四時官主方岳之事 同上

正義嗟嘆洪水問四岳誰能理也 同上

湯湯洪水方割 同上

正義湯音商今讀如字 同上 索隱洪一作鴻鴻大也以鳥大

曰鴻小曰鴈故近代文字大義者皆作鴻也 夏本紀注

於鯀哉

集解馬融曰鯀巨名禹父 同上

汝能庸命與朕命 同上

集解鄭彖曰言汝諸侯之中有能順事用天命者入處我位

統治天子之事者乎 同上

否德忝帝位 同上 史記作鄙德

正義四岳皆云鄙俚無德若便行天子事是辱帝位言已等

不堪也 同上

烝烝乂不格姦 同上

正義烝之升反進也言父頑母嚚弟傲舜皆和之以孝進之

於善不至於姦惡也 同上

我其試哉 同上

正義欲以二女試舜觀其理家之道也 同上

觀厥刑于二女 同上 史記作觀其德於二女



正義觀其為德行於二女以理家而觀國也同上

索隱列女傳云二女長曰娥皇次曰女英系本作女瑩大戴

禮作女匿同上

釐降二女于媯汭嬪于虞同上

正義言舜能整齊二女以義理下二女之心於媯汭使行婦

道於虞氏也括地志云媯源汭水出蒲州河東南山許慎云

水涯曰媯汭按地記云河東郡青山東山中有二泉下南流者

媯水北流者汭水二水異源合流出谷西注河媯水北曰汭

也同上

慎徽五典舜典

集解鄭氏曰五典五教也蓋試以司徒之職同上

賓于四門四門穆穆同上

集解馬融曰四門四方之門諸侯羣臣朝者舜賓迎之皆有

美德也同上

納于大麓同上

索隱穀梁傳云林屬於山曰麓是山足曰麓故史以為入山

林不迷孔氏以麓訓錄言令舜大錄萬機之政與此不同同上

三載汝陟帝位同上

集解鄭氏曰三年者賓四門之後三年也同上

舜讓于德弗嗣同上



索隱古文作不嗣今文作不怡怡即懌也謂辭讓於德不堪所以心意不悅懌也俗本作澤誤同上

正月上日 同上

正義鄭氏云帝王易代莫不改正建朔舜正建子此時未改故依堯正月上日也 同上

受終于文祖

集解鄭氏曰文祖者五府之大名猶周之明堂 同上

索隱尚書帝命驗曰五府五帝之廟蒼曰靈府赤曰文祖黃

曰神斗按毛板索隱神斗作祖計白曰顯紀黑曰多矩唐虞謂之五府夏

謂之世室殷謂之重屋周謂之明堂皆祀五帝之所也 同上

正義舜受堯終帝之命於文祖也尚書帝命驗云帝者承天

立府以尊天重象也五府者黃曰神斗注云唐虞謂之天府

夏謂之正室殷謂之重室周謂之明堂皆祀五帝之所也文

祖者赤帝燥怒之府名曰文祖火精光明文章之祖故謂之

文祖周曰明堂神斗者黃帝含樞紐之府名曰神斗斗主也

土精澄靜四時之主故謂之神斗周曰太室顯紀者白帝招

拒之府名顯紀紀法也金精斷割萬物故謂之顯紀周曰總

章多矩者黑帝光紀之府名曰多矩矩法也水精多味能權

輕重故謂之多矩周曰多室靈府者蒼帝靈威仰之府名曰

靈府周曰青陽同上



在璿璣玉衡以齊七政同上

集解鄭氏曰璿璣玉衡渾天儀也七政日月五星也同上正義說文云璿赤玉也按舜雖受堯命猶不自安更以璿璣玉衡以正天文觀其齊與不齊今七政齊則已受禪為是鄭氏云運轉者為璣持正者為衡尚書大傳云政者齊中也謂春秋冬夏天文地理人道之所以為政也道正而萬事順成故天道政之大也同上

肆類於上帝同上

集解鄭氏曰禮祭上帝於圓邱同上

正義五經異義云非時祭天謂之類言以事類告天也時舜告攝非常祭也王制云天子將出類於上帝鄭氏云昊天上帝謂天皇大帝北辰之星同上

禋于六宗同上

集解鄭氏曰六宗星辰司中司命風師雨師也駟案六宗義眾矣愚謂鄭說為長同上

望于山川同上

正義望者遙望而祭山川也同上

輯五瑞既月乃日覲四岳羣牧班瑞于羣后同上

集解馬融曰輯斂也五瑞公侯伯子男所執以為瑞信也堯將禪舜使羣后斂之使舜親往班之同上



正義周禮典瑞云王執鎮圭尺二寸公執桓圭九寸侯執信圭七寸伯執躬圭五寸子執穀璧男執蒲璧皆五寸言五瑞者王不在中也孔文詳云宗末會稽修禹廟於禹庭山土中得五等圭璧百餘枚形與周禮同皆短小此即禹會諸侯於會稽執以禮山神而埋之其璧今猶有在也同上

歲二月東巡守至于岱宗柴同上

集解馬融曰舜受終後五年之二月鄭參曰建卯之月也柴祭東嶽者考績柴燎也同上正義二月仲月也仲中也言得其中也既班瑞羣后即東巡守者守土之諸侯會岱宗之岳焚柴告至也同上

望秩于山川同上

正義乃以秩望祭東方諸侯境內之名山大川也言秩者五岳視三公四瀆視諸侯同上

協時月正日同上

集解鄭參曰協正四時之月數及日名備有失誤同上

同律度量衡同上

集解鄭參曰同音律度量尺寸量斗斛衡斤兩也同上

脩五禮同上

集解馬融曰五禮吉凶賓軍嘉也同上

五玉



集解鄭氏曰即五瑞也執之曰瑞陳列曰玉

三帛

集解三帛三孤所執也鄭氏曰帛所以薦玉也必三者高陽氏後用赤繒高辛氏後用黑繒其餘諸侯皆用白繒

二生

正義二生羔鴈也鄭氏注周禮大宗伯云羔小羊也取其羣不失其類也鴈取其候時而行也卿執羔大夫執鴈按羔鴈性馴可生為贄

一歠

正義馬融云一歠雉士所執也按不可生為贄故歠雉取其守介歠不失節也

贄

集解馬融曰贄二生羔鴈卿大夫所執一歠雉所執 正義

贄執也鄭氏曰贄之言至所以自致也韋昭云贄有六公執皮帛卿執羔大夫執雁士執雉庶人執鹿工商執鷄也

如五器卒乃復

集解馬融曰五器上五玉五玉禮終則還之三帛已下不還也 正義卒音子律反復音伏

羣后四朝

集解鄭氏曰巡守之年諸侯見於岳方之下其間四年四方



諸侯分來朝於京師也

肇十有二州

集解馬融曰禹平水土置九州舜以冀州之北廣大分置并州燕齊遼遠分燕置幽州分齊置營州於是為十二州也鄭  
彖曰更為之定界也

象以典刑

集解馬融曰言咎繇制五帝之刑無犯之者但有其象無其人  
人也

流宥五刑

集解馬融曰流放宥寬也一曰幼少二曰老耄三曰蠢愚五  
刑墨劓剕宮大辟也 正義鄭彖云三宥一曰弗識二曰過  
失三曰遺忘也

鞭作官刑

集解馬融曰為辨治官事者為刑

扑作教刑

集解鄭彖曰扑槓楚也扑為教官為刑者

金作贖刑

集解馬融曰金黃金也意善功惡使出金贖罪坐不戒慎者

眚災肆赦怙終賊刑

集解鄭彖曰眚災為人患害者也過失雖有害則赦之怙其



姦邪終身以為殘賊則用刑之

惟刑之恤哉

史記恤作靜

集解徐廣曰今文云惟刑之謚哉爾雅曰謚靜也 索隱按

按古文作恤哉且今文是伏生口誦恤謚聲近遂作謚也

流共工于幽洲

史記作幽陵

集解馬融曰北裔也 正義尚書及大戴禮皆作幽洲括地

志云故冀城在檀州燕樂縣界故老傳云舜流共工幽洲居

此城神異經云西北荒有人焉人面朱鬚蛇身手足而食

五穀禽獸頑愚名曰共工

放驩兜于崇山

集解馬融曰南裔也 正義神異經云南方荒中有人焉人

面鳥喙而有翼手足扶翼而行食海中魚為人很惡不畏風

雨獸犯灰乃休名曰驩兜也

竄三苗于三危

集解馬融曰西裔也 正義括地志云三危山有峯三故曰

三危俗亦名卑羽山在沙州敦煌縣東南三十里神異經云

西荒中有人焉面目手足皆人形而胷下有翼不能飛為人

饕餮淫逸無理名曰苗民又山海經云大荒北經黑水之北

有人有翼名曰苗民也

殛鯀于羽山



集解馬融曰殛誅也羽山東裔也 正義括地志云羽山在沂州臨沂縣畧神異經云東方有人焉人形而身多毛自解水土知通塞為人自用欲為欲息皆云是鯨也 又云鯨之羽山化為黃熊入於羽淵熊音乃來反下三點為三足也東哲發蒙紀云鼈三足曰熊 夏本紀注

二十有八載帝乃殛落  
集解徐廣曰堯在位凡九十八年駟按皇覽曰堯冢在濟陰城陽劉向曰堯葬濟陰邱壠山呂氏春秋云堯葬穀林皇甫謐曰穀林即城陽 正義皇甫謐云堯即位九十八年通舜攝二十八年也凡年百一十七歲括地志云堯陵在濮州雷

澤縣西三里郭緣生述征記城陽縣東有堯塚亦曰堯陵有碑是也

曰若稽古帝舜

集解謚法曰仁聖威明曰舜 索隱舜謚也皇甫謐云舜字都君也

曰重華

正義舜目重瞳子故曰重華

咨十有二牧曰食哉惟時柔遠能迺惇德允元而難任人蠻夷率服

正義舜命十二牧論帝堯之德又敦之於民遠離邪佞之人



言能如此則夷狄亦服從也  
有能奮庸熙帝之載

集解馬融曰奮明庸功也

帝曰俞汝往哉

集解鄭彖曰然其舉得其人汝往居此官不聽其所讓也

黎民阻飢

史記作始飢

集解徐廣曰今文尚書作祖飢祖始也  
索隱古文作阻飢

孔氏以為阻難也祖阻聲相近未知誰得

汝后稷播時百穀

集解鄭彖曰時讀曰蒔  
正義稷農官也播時謂順四時而

種百穀

五品不遜

集解鄭彖曰五品父母兄弟子也王肅曰五品五常也

敬敷五教

集解馬融曰五品之教

蠻夷猾夏寇賊姦宄

集解鄭彖曰猾夏侵亂中國也由內為姦起外為宄

汝作士

集解馬融曰士獄官之長  
正義言大理卿也

五刑有服五服三就



集解馬融曰五刑墨劓剕宮大辟三就謂大罪陳諸原野次罪於市朝同族適甸師氏既服五刑當就三處 正義墨鑿其額涅以墨也劓截鼻也剕刑足也宮淫刑也男子割勢婦人幽閉也大辟死刑也

惟明克允

集解馬融曰言明其罪能使信服之也

疇若予工

集解馬融曰謂主百工之官也

汝共工

集解馬融曰為司空共理百工之事

疇若予上下草木禽獸

集解馬融曰上謂原下謂隰

讓于朱虎熊羆

索隱朱虎熊羆即高辛氏之子伯虎仲熊也

有能典朕三禮

集解馬融曰三禮天神地祇人鬼之禮也鄭彖曰天事地事人事之禮也

汝作秩宗

集解鄭彖曰主秩尊卑 正義若太常也漢書百官表云王莽太常曰秩宗依古也



教胄子

集解鄭彖曰胄子國子也

直而溫寬而栗

集解馬融曰正直而色溫寬大而謹敬戰栗也

歌永言

集解馬融曰歌所以長言詩之意也

聲依永律和聲

集解鄭彖曰聲之曲折又依長言而為之聲中律乃為和也

神人以和

集解鄭彖曰祖考來格羣后德讓其二隅也

百獸率舞

集解鄭彖曰百獸服不氏所養者也率舞言音和也

朕聖讒說殄行震驚朕師

集解徐廣曰一云齊說殄行振驚眾人駟案鄭彖曰所謂色

取仁而行違是驚動我之眾臣使之疑惑

正義言畏惡利口讒說之人兼殄絕姦偽人黨恐其驚動我

眾使龍道絕之也

咨汝二十有二人

集解馬融曰稷契皋陶皆居官久有成功但述而美之無所

復勅禹及垂以下皆初命凡六人與上十二牧四岳凡二十



二人鄭參曰皆格於文祖時所勅命也

欽哉惟時亮天功

史記作敬哉惟時相天事

正義相視也舜命二十二人各敬行其職惟在順時視天所宜而行事也

分北三苗

集解鄭參曰所竄三苗為西裔諸侯者猶為惡乃復分析流之

舜生三十徵庸三十在位五十載陟方乃歿

五帝本紀舜年二十以孝聞年三十堯舉之年五十攝行天子事年五十八歲堯崩年六十一代堯踐帝位踐帝位三十

九年南巡守崩於蒼梧之野葬於江南九疑是為零陵 集

解皇覽曰舜冢在零陵營浦縣其山九谿皆相似故曰九疑

傳曰舜葬蒼梧象為之耕禮記曰舜葬蒼梧二妃不從山海

經曰蒼梧山帝舜葬於陽丹朱葬於陰皇甫謐曰或曰二妃

葬衡山

曰若稽古大禹

大禹謨

集解謚法曰受禪成功曰禹

文命敷于四海

索隱尚書文命敷于四海孔安國不云是禹名太史公皆以放勳重華文命為名孔又云虞氏舜名則堯舜禹湯皆名矣



蓋古質帝王之號皆以名後代因其行追而為謚其實禹是名故張晏云少昊已前天下之號象其德顓頊已來天下之號因其名又按系本鯀取有莘氏女謂之女志是生高密宗衷云高密禹所封國正義帝王代紀云父鯀妻修已見流星貫昴夢接音感又吞神珠薏苡冑圻而生禹名文命字密身長九尺二寸本西夷人也大戴禮云高陽之孫鯀之子名曰文命揚雄蜀王本紀云禹本汶山郡廣柔縣人也生於石紐括地志云茂州汶川縣石紐山在縣西七十三里華陽國志云今夷人共營其地方百里不敢居牧至今猶不敢放六畜按廣柔隋改曰汶川

禹敷土隨山刊木

禹貢以下並同

夏本紀禹命諸侯百姓與人徒以傳土行山表木集解尚書傳字作敷馬融曰敷分也索隱大戴禮作傳土故此紀依之傳即付也謂付功屬役之事謂令人分布理九州之土地也表木謂刊木立為表記

奠高山大川

集解馬融曰定其差秩祀禮所視也駟案尚書大傳曰高山大川五嶽四瀆之屬

夏本紀注以下並同

冀州

集解鄭玄曰兩河間曰冀州正義按理水及貢賦從帝都



為始也黃河自勝州東直南至華陰即東至懷州南又東北至平州碣石山入海也東河之西南河之東南河之北皆冀州也

壺口治梁及岐

正義括地志云壺口山在慈州吉昌縣西南五十里冀州境也梁山在同州韓城縣東南十九里岐山在岐州岐山縣東北十里二山雍州境也孔安云從東循山理水而西也至於岳陽

索隱岳太岳即冀州之鎮霍太山也按地理志霍太山在河東毘縣東正義括地志云霍山在沁州沁源縣西七八十里

覃懷底績

集解鄭子曰懷縣屬河內索隱按河內有懷縣今驗地無名覃者蓋覃懷二字或當時共為一地之名正義括地志云故懷城在懷州武陟縣西十一里

至于衡漳

索隱按孔注以衡為橫非是王肅云衡漳二水名也正義括地志云衡漳水在瀛州東北百二十五里平舒縣界

恒衛既從

史記恒作常

索隱此文改恆山恆水皆作常避漢文帝諱故也常水出常



山上曲陽縣東入滹水衛水出常山靈壽縣東入虜沈

島夷皮服

史記島作鳥

集解鄭子曰鳥夷東方之民搏食禽獸者也

夾右碣石入于河

史記作入于海

索隱地理志云碣石山在北平驪城縣西南太康地理志云樂浪遼城縣有碣石山長城所起又水經云在遼西臨渝縣南水中蓋碣石山有三此云夾右碣石入于海當是北平之碣石

集解徐廣曰海一作河

濟河惟兖州

集解鄭子曰言兖州之界在此兩水之間

雷夏既澤澠沮會同

史記澠作雍

集解鄭子曰雍水沮水相觸而合入此澤中也

索隱爾雅云水自河出為雍也

正義括地志云雷夏澤在

濮州雷澤縣郭外西北雍沮二水在雷澤西北平地

厥賦貞作十有三載乃同

集解鄭子曰貞正也治此州正作不休十三年乃有賦與八州同言功難也其賦下下

浮于濟漯達于河

索隱濟水出河東垣縣王屋山東其流至濟陰故應劭云濟水出平原漯陰縣東漯水出東郡東武陽縣北至千乘縣而



入於海

海岱惟青州

集解鄭玄曰東自海西至岱東岳曰岱山 正義按舜分青

州為營州遼西及遼東也

岬夷既略

索隱孔安國云東表之地稱岬夷按今文尚書及帝命驗然  
作禹鐵在遼西鐵古夷字也

濰淄其道

正義括地志云密州莒縣山濰水所出淄州淄川縣東北七

十里原山淄水所出俗傳云禹理水功畢土石黑數里之中

波若漆故謂之淄水也

海物惟錯

集解鄭玄曰海物海魚也魚種類尤雜

萊夷作牧

索隱按左傳云萊人劫孔子孔子稱夷不亂華又云齊侯伐

萊服虔以為東萊黃縣是今按地理志黃縣有萊山恐即此

地之夷

厥篚檠絲

索隱爾雅云檠山桑是蠶食檠之絲也

淮沂其又蒙羽其藝



索隱水經云淮水出南陽平氏縣胎簪山北過桐柏山沂水出泰山蓋縣汶山南過下邳縣入沙蒙山在泰山蒙陰縣西羽山在東海祝其縣南殛鯀之地

大野既豬

集解鄭玄曰大野在山陽鉅野北名鉅野澤

東原底平

集解鄭玄曰東原地名今東平郡即東原 索隱張華博物志云兗州東平郡即尚書之東原也 正義廣平曰原徐州在東故曰東原水去已致平復言可耕種也

厥土赤埴墳

集解徐廣曰埴黏土也

厥貢惟土五色

集解鄭玄曰土五色者所以為大社之封 正義太康地記云城陽姑幕縣有五色土封諸侯錫之茅土用為社此土即禹貢徐州土也今屬密州莒縣也

嶧陽孤桐

集解鄭玄曰地理志嶧山在下邳 正義括地志云嶧山在兗州鄒縣南二十二里鄒山記云鄒山古之嶧山亦曰繹山言其絡繹相連屬也今猶多桐樹按今獨生桐尚可徵偏似

琴瑟



泗濱浮磬

正義括地志云泗水至彭城呂梁出石磬

淮夷蠙珠暨魚

史記暨作泉

集解鄭彖曰淮夷淮水之上民也 索隱按尚書云徂茲淮夷徐戎玆興今徐州言淮夷則鄭解為得蠙一作玼玼步彖反泉古暨字暨與也言夷人所居淮水之處有此蠙珠與魚也

厥篚兮織縞

集解鄭彖曰織細也祭服之材尚細 正義兮黑織細縞白縞以細縞染為黑色也

浮于淮泗

正義括地志云泗水源出兗州泗水縣東陪尾山其源有四道因以為名

彭蠡既豬

史記豬作都

集解鄭彖曰地理志彭蠡澤在豫章彭澤縣西 索隱都古文尚書作豬孔安國云水所停曰豬鄭彖曰南方謂都為豬則是水會聚之義 正義括地志云彭蠡湖在江州潯陽縣東南五十二里

三江既入震澤底定

索隱韋昭云三江謂松江錢塘江浦陽江也今按地理志有



南江中江北河是為三江其南江從會稽吳縣南東入海中江從丹陽蕪湖東北至會稽陽羨縣東入海北江從會稽毘陵縣北東入海故下文東為中江又東為北江孔安國云有北有中南可知也震一作振地理志會稽吳縣故周泰伯所封國其區在其西古文以為震澤又左傳稱笠澤亦謂此也正義震澤在蘇州西四十五里三江者在蘇州東南三十里名三江口一江西南上七十里至太湖名曰松江古笠澤江一江東南上七十里白蜺湖名曰上江亦曰東江一江東北下三百餘里入海名曰下江亦曰婁江於其分處號曰三江口顧夷吳地記云松江東北行七十里得三江口東北入海為婁江東南入海為東江并松江為三江是也言理三江入海非入震澤也按太湖西南湖州諸溪從天目山下西北宣州諸山有溪赴下太湖太湖東北流直至三江口入海其湖無通彭蠡湖及太湖處然阻山陸諸儒及地志等解三江皆入皆非也周禮職方氏云揚州藪曰其區川曰三江按五湖三江者韋昭注非也其源俱不通太湖引解三江既入失之遠矣五湖者菱湖游湖莫湖胥湖皆太湖東岸五灣為五湖蓋古時應別今然相連菱湖在莫里山東周回三十餘里西口濶二里其口南則莫里山北則徐侯山西與莫湖連莫湖在莫里山西及北北與胥湖連胥湖在胥山西南與



莫湖連各周回五六十里西連太湖游湖在北二十里在長  
山東湖西口濶二里其口東南岸樹里山西北岸長山湖周  
回五六十里貢湖在長山西其口濶四五里口東南長山山  
南即山陽村西北連常州無錫縣老岸湖周回一百九十里  
已上湖身向東北長七十餘里兩湖西亦連太湖河渠書云  
於吳則通渠三江五湖貨殖傳云夫吳有三江五湖之利又  
太史公自叙傳云登姑蘇望五湖是也

厥土惟塗泥

集解馬融曰塗泥漸洳也

島夷卉服

正義括地志云百濟國西南渤海中有大島十五所皆邑落  
有人居屬百濟又倭國武皇后改曰日本國在百濟南隔海  
依島而居凡百餘小國此皆揚州之東島夷也按東南之夷  
草服葛越焦竹之屬越即苧苧也

沿于江海

集解鄭玄曰沿順水行也

江漢朝宗于海

正義括地志云江水源出岷州南岷山南流至益州即東南  
流入蜀至瀘州東流經三硤過荊州與漢水合孫卿子云江  
水其源可以濫觴也又云漢水源出梁州金牛縣東二十八



里嶠冢山

沱潛既道

史記潛作涪

集解鄭子曰水出江為沱漢為涪 索隱涪亦作潛沱出蜀

郡郫縣西東入江潛出漢中安陽縣西北入漢故爾雅云水

自江出為沱漢出為潛 正義括地志云繁江水受郫江禹

貢曰岷山導江東別為沱源出益州新繁縣潛水一名瀘水

今名龍門水源出利州綿谷縣東龍門山大石穴下也

雲土夢作又

索隱夢一作曹邠誕生又音蒙按雲土夢本二澤名蓋人以

二澤相近或合稱雲夢耳知者據左傳云昭王寢於雲中又

楚子鄭伯田於江田之夢則二澤各別也韋昭曰雲土今為

縣屬江夏南郡華容今按地理志云江夏有雲杜縣是其地

柀榦枯柏

集解鄭子曰四木名

惟箇輅楛

集解徐廣曰一作箭足杆：即楛也音怙箭足者矢簇也或

以箭足訓釋箇輅乎駟案鄭子曰箇輅聆風也

三邦底貢厥名

集解馬融曰言箇輅楛三國所致貢其名善也

荆河惟豫州



正義孔安國曰西南至荊州北距河水括地志云荊山在襄州荊山縣西八十里韓子云卞和得玉璞於楚之荊山即此也河洛州北河也

伊洛瀝澗

正義括地志云伊水出虢州盧氏縣東巖山東北流入洛洛水出商州洛南縣冢嶺山東流經洛州郭內又各合伊水瀝水出洛州新安縣東南流至洛州郭內南入洛澗水亦出洛州新安縣東白石山東北與穀水合流經洛州郭內東流入洛也

導河澤被孟豬

孟豬史記作明都

索隱河澤在濟陰定陶縣東明都音孟豬孟豬澤在梁國睢陽縣東北爾正左傳謂之孟諸今文亦為然惟周禮稱望諸皆此地之一名 正義括地志云河澤在曹州濟陰縣東北九十里定陶城東今名龍池亦名九卿陂

下土墳壚

集解馬融曰豫州地有三等下者墳壚也

華陽黑水惟梁州

正義括地志云黑水源出梁州城固縣西北太山

岷嶠既藝

史記岷作汶

索隱汶一作岷又作岷岷山封禪書又作瀆山在蜀郡前氏



道西徼外江水所出嶓冢山在隴西西縣漢水所出也 正義括地志云岷山在岷州益洛南一里連綿至蜀二千里皆名岷山嶓冢山在梁州金牛縣東二十八里

蔡蒙旅平

集解鄭亨曰地理志蔡蒙在漢嘉縣 索隱此非徐州之蒙在蜀郡青衣縣青衣後改為漢嘉蔡山不知所在也 正義括地志云蒙山在雅州嚴道縣南十里

和夷底績

集解馬融曰和夷地名也

厥貢瓊鐵銀鏤砮磬

集解鄭亨曰黃金之美者謂之鏤鏤剛鐵可以刻鏤也

西傾因桓是來

集解馬融曰治西傾山因桓水是來言無餘道也 索隱西

傾在隴西臨洮縣西南桓水出蜀郡岐山西南行羌中入海也 正義括地志云西傾山今名強臺山在洮州臨洮縣西南三百三十六里

逾于沔

集解鄭亨曰或謂漢為沔

黑水西河惟雍州

索隱地理志益州滇池縣有黑水祠鄭亨引他說云三危山



黑水出其南山海經黑水出崑崙墟西北隅也  
弱水既西

索隱按水經云弱水出張掖刪丹縣西北至酒泉會水縣入  
合黎山腹山海經云弱水出崑崙墟西南隅也

涇屬渭汭

索隱渭水出首陽縣烏鼠同穴山說文云水相入曰汭 正  
義括地志云涇水源出原州百泉縣西南笄頭山涇谷渭水  
源出渭源縣西七十六里烏鼠山今名青雀山渭有三源  
出烏鼠山東流入河按言理涇水及至渭水又理漆沮亦從  
渭流復理澧水亦同入渭者也

漆沮既從

正義括地志云漆水源出岐州普潤縣東南岐山北漆溪東  
入渭沮水一名川水源出雍州富平縣東入櫟陽縣南漢高  
帝於櫟陽置萬年縣十三州地理志云萬年縣南有涇渭北  
有小河即沮水也詩云古公去邠渡漆沮即此二水

澧水攸同

正義括地志云雍州郿縣終南山澧水出焉

荆岐既旅

正義括地志云荆山在雍州富平縣今名掘陵原岐山在岐  
州岐山縣東北十里尚書正義云洪水時祭祀禮廢已旅祭



言理水功畢也按雍州荆山即黃帝及禹鑄鼎地也襄州荆山縣西荆山即卞和得玉璞者

終南惇物

索隱按左傳中南山杜預以為終南山地理志云太一山古文以終南垂山古文以為惇物皆在扶風武功縣東 正義括地志云終南山一名中南山一名太一山一名南山一名橘山一名楚山一名泰山一名周南山一名地肺山在雍州萬年縣南五十里

原隰底績至于豬野

史記豬作都

集解鄭玄曰地理志都野在武威名曰休屠澤 正義原隰

幽州地也按原平高地也隰低下地也言從渭州致功西北至原州都野沙州三危山也括地志云都野澤在涼州姑藏縣東北二百八十里

三危既宅

史記宅作度

索隱鄭玄引河圖及地說云三危山在鳥鼠西南與岐山相連度劉伯莊音田各反尚書作宅

浮于積石至于龍門西河

正義括地志云積石山今名小積石山在河州枹罕縣西七里河州在京西一千四百七十二里龍門山在同州韓城縣北五十里李奇云禹鑿通河水處廣八十步三秦記云龍門



水懸船而行兩旁有山水陸不通龜魚集龍門下數千不得  
上上則為龍故云暴腮點額龍門下按河在冀州西故云西  
河也禹發源河水小積石山浮河東北下歷靈州勝州北而  
南行至于龍門皆雍州域也

會于渭汭

正義水經云河水又南至潼關渭水從西注之也

織皮崐崙析支渠搜西戎即叙

索隱鄭氏以為衣皮之人居崐崙析支渠搜三山皆在西戎  
王肅曰崐崙在臨羌西析支在河關西戎在西域王肅以為  
地名而不言渠搜今按地理志金城臨羌縣有崐崙祠敦煌  
廟至縣有崐崙障朔方有渠搜縣

導岍及岐至于荆山

索隱沂一作岍按有沂水故其字或從山或從水猶岐山然也  
地理志云吳山在右扶風美陽縣西荆山在左馮翊懷德縣  
南也 正義括地志云沂水在隴州沂源縣六十里其山東  
隣汶岫西接隴岡沂水出焉岐山在岐州

壺口雷首至于太岳

索隱太岳即霍太山也已見上 正義括地志云壺口在慈  
州吉昌縣西南雷首山在蒲州河東縣太岳霍山也在沁州  
沁源縣



底柱析城至于王屋

正義括地志云底柱山俗名三門山在破石縣東北五十里  
黃河之中孔安國云底柱山名河水分流包山而過山見水  
中若柱然也括地志云析城縣在澤州西南七十里水經注  
云析城山甚高峻上平坦有二水東濁西清左右不生草木  
括地志云王屋山在懷州王屋縣北十里古今地名云山方  
七百里山高萬仞本冀州之河陽山也

太行恒山

正義括地志云太行山在懷州河內縣北二十五里有羊腸  
坂恒山在定州恒陽縣西北百四十里道書福地記云恒山  
高三千三百丈上方二十里有太行之泉神草十九種可度  
俗

西傾朱圉烏鼠至于太華

集解鄭玄曰地理志云朱圉在漢陽南太華在弘農華陰南  
索隱圉一作圍朱圉山在天水冀縣南烏鼠山在隴西首  
陽縣西南太華即惇物山

熊耳外方桐柏至于陪尾

陪史記作負

集解鄭玄曰地理志熊耳在盧氏東外方在潁川嵩高山桐  
柏山在南陽平氏東南陪尾在江夏安陸東北若橫尾者  
索隱熊耳山在弘農盧氏縣東伊水所出外方山即潁川嵩



高縣嵩高山古文尚書亦以為外方山桐柏山一名大復山  
在南陽盧氏縣東南陪尾山在江夏安陸縣東北地理志謂  
之橫尾山負音陪也 正義括地志云華山在華州華陰縣  
界八里熊耳山在虢州盧氏縣南五十里嵩高山亦名太室  
山亦名外方山在洛州城陽縣北二十三里桐柏山在唐州  
東南五十里淮水出焉橫尾山古陪尾山也在安州安陸縣  
北六十里

導嶠冢至于荆山

集解鄭玄曰地理志荆山在南郡臨沮 索解此東條荆山  
在南郡臨沮縣東北隅也 正義括地志云嶠冢山在梁州

荆山在襄州荆山縣西八十里又云荆山縣本漢臨沮縣地  
沮水即漢水也按縣即孫叔敖激沮水為雲夢澤是也

內方至于大別

集解鄭玄曰地理志內方在竟陵名立章山大別在房江安  
豐縣 索隱內方山在竟陵縣東北大別山在六國安豐縣  
今土人謂之甌山 正義括地志云章山在荊州長林縣東  
北六十里今漢水附章山之東與經史符合按大別山今沙  
州在山上漢江經其左今俗猶云甌山注云在安豐非漢水  
所經也

岷山之陽至于衡山



索隱衡山在長沙湘南縣東南廣雅云岫嶺謂之衡山正義括地志云岷山在茂州汶川縣衡山在衡州湘潭縣西四十一里

至于敷淺原

集解徐廣曰淺一作滅駟案國語曰敷淺原一名博陽山在豫章索隱豫章歷陵縣南有博陽山一名敷淺原也

導弱水至于合黎

集解鄭玄曰地理志弱水出張掖索隱水經云合黎山在酒泉會水縣東北鄭玄引地說亦以為然孔安國云水名當是其山有水故所記各不同耳正義括地志云蘭門山一

名合黎一名窮石山在甘州刪丹縣西南七里淮南子弱石源出窮石山又云合黎一名羌谷水一名鮮水一名覆袁水今名副投河亦名張掖河南自吐谷渾界流入甘州張掖縣今按合黎水出臨路松山東而北流歷張掖故城下又北流經張掖縣二十三里又北流經合黎山折而北流經流沙磧之西入居延海行一千五百里合黎山在張掖縣西北二百里也

餘波入于流沙

集解鄭玄曰地理志流沙在居延西北名居延澤地記云弱水西流入合黎山腹餘波入于流沙通于南海馬融王肅皆



云合黎流沙是地名 索隱地理志云張掖居延縣西北有居延澤古文以為流沙廣志流沙在玉門關外有居延澤居延城又山海經云流沙出鍾山西南行昆侖墟入海按是地兼有水故一云地名一云水名馬鄭不同抑有由也  
導黑水至于三危入于南海

集解鄭氏曰地理志益州滇池有黑祠水而不記此山水所在地記曰三危山在鳥鼠之西南 正義括地志云黑水源出伊吾縣北百二十里又南流二十里而絕三危山在沙州敦煌縣東南四十里按南海即揚州東大海岷江下至揚州東入海也其黑水源在伊州從伊州東南三千餘里至鄯州鄯州東南四百餘里至河州入黃河河州有小積石山即禹貢浮于積石至于龍門者然黃河源從西南下出大崑崙東北隅東北流經于闐入鹽澤即東南潛行入吐谷渾界大積石山又東北流至小積石山又東北流來處極遠無流其黑水當洪水時合從黃河而行何得入于南海去此甚遠阻隔南山隴山岷山之屬當是洪水浩浩處西戎不深致功古文故有疎畧

### 導河積石

索隱河源發于昆侖禹導河自積石而加功也  
南至于華陰



正義華陰縣在華山北本魏之陰晉縣秦惠文王更名宣秦漢高改曰華陰

東至于底柱

史記底作砥

正義砥柱山俗名三門山禹鑿北山三導河水故曰三門也

又東至于孟津

史記作盟津

索隱盟古孟字孟津在河陰十三州記云河陽縣在于河上即孟津是也 正義括地志云盟津周武王作紂與八百諸侯會盟津亦曰孟津又曰富平津水經云小平津今云河陽津是也

至于大伾

史記作大邳

索隱爾疋云山一成曰邳或以為成阜山是 正義李巡云山再重曰英一重曰邳括地志云大邳山今名黎陽東山又曰青壇山在衛州黎陽南七里張揖曰今成阜非也 北過降水至于大陸

索隱地理志絳水字從糸出信都國與虜池漳河水並流入海大陸在鉅鹿郡爾疋云晉有大陸郭璞以為此澤也 正義括地志云降水源出潞州屯留縣西南方東北流冀州入海

又北播為九河同為逆河入于海

正義播布也河至冀州分布為九河下至滄州更同合為一



大河名曰逆河而夾右碣石入于勃海也

嶓冢導漾東流為漢

史記漾作菴

集解鄭氏曰地理志漾水出隴西氐道至武都為漢至江夏謂之夏水 索隱水經云漾水出隴西氐道縣嶓冢山東至武都沮縣為漢水地理志云至江夏謂之夏水山海經亦以漢出嶓冢山故孔安國云泉始出山為漾水東南流為沔水至漢中東行為漢水 正義括地志云嶓冢山水始出山沮如故曰沮水東南為漾水又為沔水至漢中為漢水至均州為滄浪水始欲出大江為夏口又為沔口漢江一名沔江也又東為滄浪之水

索隱馬融鄭氏皆以滄浪為夏水即漢河之別流也漁父歌曰滄浪之水清兮可以濯吾纓是此水也 正義括地志云均州武當縣有滄浪水庾仲雍水記曰武當縣西四十里漢水中有洲名滄浪洲地記云水出荆山東南流為滄浪水

過三澁

集解鄭氏曰三澁水名在江夏竟陵之界 索隱水經云三澁地名在南郡鄖縣北孔安國鄭氏以為水名今竟陵有三參水俗云是三澁水參音去聲

又東至于澧

史記澧作醴

集解孔安國馬融王肅皆以醴為水名鄭氏曰醴陵名也大



阜曰陵長沙有醴陵縣 索隱按騷人所歌濯余佩於醴浦  
明醴是水孔安國馬融解得其實又虞喜志林以醴是江沅  
之別流而醴字作澧也

東為中江入于海

正義括地志云禹貢三江俱會于彭蠡合為一江入于海  
導沅水東流為濟入于河溢為滎

索隱水經云自河東垣縣王屋<sup>山</sup>東流為沅水至溫縣西北  
為濟水 正義括地志云充水出懷州王屋縣北十里王屋  
山頂崖下石泉亭不流其深不測至縣西北二里平地其源  
重發而東南流為沅水水經云沅東至溫縣西北為沛水又  
南當鞏之南北入于河釋名云濟者濟也下濟子細反按濟  
水入河而南截度河南岸溢滎澤在鄭州滎澤縣西北四里  
今無水成平地

東出于陶邱北

正義括地志云陶邱在濮州鄆州西南二十四里又云在曹  
州城中徐才宗國都城記云北城中高邱即古之陶邱  
又東北會于汶

正義汶音問地理志云汶水出泰山郡萊蕪縣原山西南入  
沛

導淮自桐柏



正義桐柏山在唐州東五十餘里

導渭自烏鼠同穴

正義括地志云烏鼠山今名青雀山在渭州渭源縣西七十六里山海經云烏鼠同穴之山渭水出焉郭璞注云今在隴西首陽縣西南

東會于澧

正義澧音豐括地志云雍州郿縣終南山澧水出焉北入渭也

又東會于涇

正義括地志云涇水出原州百泉縣西南笄頭山涇谷東南流入渭也

導洛自熊耳

正義括地志云洛水出商州洛南縣西冢嶺山東北流入河熊耳山在虢州盧氏縣南五十里洛水所經也

東北會于澗瀝

正義括地志云澗水出洛州新安縣東白石山之陰地理志云瀝水出河南穀城縣晉亭北東南入于洛

庶土交正底慎財賦

集解鄭子曰衆土美惡及高下得其正矣亦致其貢篚慎章其財物之稅皆法定制而入之也



咸則三壤成賦中邦

集解鄭氏曰三壤上中下各三等也中邦即九州也

錫土姓祗台德先不距朕行

集解鄭氏曰天子建其國諸侯祚之土賜之姓命之氏其敬

悅天子之德既光又不距違我天子政教所行

百里賦納總

索隱說文云總聚束草也

二百里納銍

索隱說文云銍獲禾短鎌之物也

三百里納秸服

索隱禮郊特牲云蒲越稟秸之美則秸是稟之類也

百里采

集解馬融曰采事也各受王事者

二百里蔡

集解馬融曰蔡法也受王者刑法而已

五百里荒服

集解馬融曰政教荒忽因其故俗而治之

按注疏引此經作王肅說當參

三百里蠻

集解馬融曰蠻慢也禮簡怠慢來不距去不禁

按注疏引此亦作王肅

二百里流



集解馬融曰流行無城郭常居

朔南暨

集解鄭子曰朔北方也

禹錫予圭告厥成功

正義予水也以禹理水功成故錫予圭以表顯之也

迺可遠在茲阜陶謨

集解鄭子曰次序九族而親之以眾明作羽翼之成此政由

近可以及遠也

何畏乎巧言令色孔壬同上

集解鄭子曰禹為父隱故言不及鯀按注疏引此條作馬融說當考

擾而毅同上

集解擾一作柔

亮采有邦同上

集解馬融曰亮信采事也

予未有知思曰贊贊襄哉同上

正義言我未有所知思之審贊于古道耳謙辭也

暨益奏庶鮮食益稷

索隱此禹言其與益施予眾庶之稻糧

濬畎澮距川同上

集解鄭子曰畎澮田間溝也



安汝止 同上

集解鄭彖曰安汝之所止無妄動動則擾民

天其申命用休 同上

集解鄭彖曰天將重命汝以美應謂符瑞也

予欲左右有民汝翼 同上

集解馬融曰我欲左右助民汝當翼成我也

在治忽 同上 史記作來始滑

集解尚書滑字作習音忽鄭彖曰習者臣見君所秉書思對

命者也以出納政教於五官 索隱古文尚書作在治忽今

文作采政忽諸儒各隨字解之今此云來始滑於義無所通

蓋來采字相近滑忽聲相亂始又與治相似因誤為來始滑

耳

以出納五言汝聽 同上

索隱劉伯莊云聽諸侯能為政及忽怠者也五言謂仁義禮

智信五德之言鄭彖以為出納政教五官非也

欽四鄰 同上

集解尚書大傳曰古者天子必有四鄰前曰疑後曰丞左曰

輔右曰弼

朋淫于家 同上

集解鄭彖曰朋淫淫門內



娶于塗山辛壬癸甲啟呱呱而泣予弗子惟荒度土功同上  
史記作辛壬娶塗山癸甲生啟予不子以故能成水土功

索隱杜預云塗山在壽春東北皇甫謐云今九江當塗有禹廟則塗山在江南也系本曰塗山氏女名媧是禹娶塗山氏號女媧也又按尚書云娶于塗山辛壬癸甲啟呱呱而泣予弗子今此云辛壬娶塗山癸甲生啟蓋今文尚書脫陋太史公取以為言亦不稽其本意豈有辛壬娶妻經二月生子不經之甚正義禹辛日娶至甲四日往理水及生啟不入門我不得名子以故能成水土之功又一云過門不入不得有子愛之心帝繫云禹娶塗山氏之子謂之女媧是生啟也

外薄四海同上

正義爾疋云九夷八狄七戎六蠻謂之四海釋名云海縣也按夷蠻晦昧無知故云四海也

甘誓

夏本紀夏后帝啟禹之子其母塗山氏之女也有扈氏不服啟伐之大戰於甘將戰作甘誓集解馬融曰甘有扈氏南郊地名索隱甘夏啟所伐鄆縣南有甘亭正義括地志云雍州南鄆縣本夏之扈國也地理志云鄆縣古扈國有戶亭姚察訓纂云戶扈鄆三字一也古今字不同耳

五子之歌



索隱皇甫謐曰號五觀也夏本紀注

湯誓

殷本紀主癸卒子天乙立是為成湯集解張晏曰禹湯皆字也二王去唐虞之文從高陽之質故夏殷之王皆以名為號謚法曰除虐去殘曰湯索隱湯名履書曰予小子履是也又稱天乙者譙周云夏殷之禮生稱王死稱廟主皆以帝名配之天亦帝也殷人尊湯故曰天乙

初征自葛仲虺之誥

殷本紀湯征諸侯葛伯不祀湯始伐之集解孟子曰湯居亳與葛為鄰地理志曰葛今梁國寧陵之葛鄉

伊尹祠于先王伊訓

殷本紀伊尹名阿衡索隱孫子兵書伊尹名摯孔安國亦曰伊摯然解者以阿衡為官名按阿倚也衡平也言依倚而取平書曰惟嗣王弗惠于阿衡亦曰保衡皆伊尹之官號非名也皇甫謐云伊尹力牧之後生于空桑又呂氏春秋云有佚氏女採得嬰兒於空桑後居伊水命曰伊尹尹正也謂湯使之正天下

有眾率怠弗協湯誓

集解馬融曰眾民相率怠惰不同殷本紀注

時日曷喪予及汝皆亡同上



集解尚書大傳曰桀云天之有日猶吾之有民日有亡哉日  
亡吾亦亡矣同上

朕不食言同上

索隱左傳云食言多矣能無肥乎是謂妄言為食言同上

遂伐三駿書序

正義括地志云曹州濟陰縣即古定陶也東有三駿亭同上

仲虺之誥

殷本紀中囀作誥 索隱仲虺二音囀作壘音如字尚書又

作虺也

咎單作明居書序

集解馬融曰咎單湯司空也明居民之法也

伊尹作伊訓肆命祖后書序

集解鄭子曰肆命者陳政教所當為也祖后者言湯之法度  
也

太甲既立不明伊尹放諸桐三年復歸于亳思庸伊尹作太甲  
三篇書序

殷本紀帝太甲既立三年不明暴虐不遵湯法亂德于是伊  
尹放之于桐宮三年伊尹攝行政當國以朝諸侯帝太甲居  
桐宮三年悔過自責反善于是伊尹乃迎帝太甲而授之政  
帝太甲修德諸侯咸歸殷百姓以寧伊尹嘉之乃作太甲訓



三篇褒帝太甲稱太宗 集解鄭氏曰桐宮地名也有王離宮焉 正義晉大康地記云尸鄉南有亳坂東有城太甲所放處也按尸鄉在洛州偃師縣西南五里

沃丁既葬伊尹于亳咎單遂訓伊尹作沃丁

殷本紀太甲卒子沃丁立 集解皇覽曰伊尹冢在濟陰己氏平利鄉亳近己氏 正義括地志云伊尹墓在洛州偃師縣西北八里又云宋州楚邱縣西北十五里有伊尹墓恐非也帝王世紀伊尹名摯為湯相號阿衡年百歲卒大霧三日沃丁以天子禮葬之

伊陟相太戊亳有祥桑穀共生于朝伊陟贊于巫咸咸作巫咸又四

篇書序

殷本紀帝太戊立伊陟為相亳有祥桑穀共生于朝一暮大拱帝大戊懼問伊陟伊陟曰臣聞妖不勝德帝之政其有關歟帝其修德大戊從之而祥桑枯灰而去伊陟贊于巫咸巫咸治王家有成作巫咸 集解鄭氏曰兩手搯之曰拱 索隱此云一暮大拱尚書大傳作七日大拱與此不同劉伯莊言楛灰而消去不見今以為由帝修德而祚祥遂去 正義按巫咸及子賢冢皆在蘇州常熟縣西海虞山上蓋二子本吳人也 集解馬融曰艾治也 太戊贊于伊陟作伊陟原命書序



殷本紀帝太戊贊伊陟于廟言弗臣伊陟讓作原命殷復興諸侯歸之故稱中宗 集解馬融曰原臣名也命原以禹湯之道我所修也

仲丁遷于囂作仲丁 書序

殷本紀中宗崩于帝仲丁立帝仲丁遷于囂 集解皇甫謐曰河南教倉是 索隱囂亦作囂音教字 正義括地志云滎陽故城在鄭州滎澤縣西南十七里殷時教地也

河亶甲居相作河亶甲 書序

殷本紀帝仲丁崩弟外壬立是為帝外壬帝外壬崩弟河亶甲立是為帝河亶甲河亶甲居相又云河亶甲之時殷復衰 正義括地志云故殷城在相州內黃縣東南十三里即河亶甲所築都之故名殷城也

祖乙圮于耿作祖乙 書序

殷本紀河亶甲崩子帝祖乙立遷于邢又云帝祖乙立殷復興巫賢任職 索隱邢音耿近代本亦作耿今河東皮氏縣有耿鄉 正義括地志云絳州龍門縣東南十二里耿城故耿國也

盤庚五遷將治亳殷民咨胥怨作盤庚三篇 書序

殷本紀帝陽甲崩弟盤庚立是為帝盤庚帝盤庚之時殷已都河北盤庚渡河南復居成湯之故居乃五遷無定處殷民



咨胥皆怨不欲徙盤庚乃告喻諸侯大臣曰昔高后成湯與爾之先祖俱定天下法則可修舍而弗勉何以成德乃遂涉河南治亳行湯之政然後百姓由寧殷道復興諸侯來朝以其導成湯之德也帝盤庚崩弟小辛立是為帝小辛帝小辛立殷復衰百姓思盤庚乃作盤庚三篇正義湯自南亳遷西亳仲丁遷敖河亶甲居相祖乙居耿盤庚渡河南居西亳是五遷也集解鄭多曰治亳殷治於亳之殷地商家自此徙而改號曰殷亳皇甫謐曰今偃師是也索隱尚書盤庚將治亳殷民咨胥怨作盤庚此以盤庚崩弟小辛立百姓思之乃作盤庚由不見古文也

王宅憂亮陰三祀既免喪其惟弗言

說命上

殷本紀帝武丁即位思復興殷而未得其任三年不言政事決定於冢宰以觀國風

夢帝賚予良弼其代予言乃審厥象俾以形旁求于天下說築傅巖之野惟肖爰立作相王置諸其左右

殷本紀武丁夜夢得聖人名曰說以夢所見視羣臣百吏皆非也於是乃使百工營求之野得說於傅險中是時說為胥靡築於傅險見於武丁武丁曰是也得而與之語果聖人舉以為相殷國大治故遂得以傅險姓之號曰傅說集解徐廣曰尸子云傅巖在北海之洲索隱舊本作險亦作巖也



正義地理志云傳險即傳說版築之處所隱之處窟名聖人窟在今陝州河北縣北七里即虞國虢國之界又有傳說祠注水經云沙澗水北虞山南經傳巖傳說隱室前俗名聖人窟

高宗彤日

殷本紀帝武丁祭成湯明日有飛雉登鼎耳而鳴武丁懼祖已曰王勿憂先修政事祖已乃訓王曰惟天監下典厥義降年有永有不永非天天民中絕其命民有不若德不聽罪天既附命正厥德乃曰其柰何嗚呼王嗣敬民罔非天繼常祀毋禮于棄道武丁修政行德天下咸驩殷道復興帝武丁崩子帝祖庚立祖己嘉武丁之以祥雉為德立其廟為高宗遂作高宗彤日 正義响音構雉鳴也詩曰雉之朝响

典祀無豐于昵

高宗彤日

索隱祭祀有常無為豐殺之禮於是以棄常道

殷本紀注

式商容閭

武城

殷本紀商容賢者百姓愛之紂廢之 索隱皇甫謐云商容與殷人觀周軍之入則以為人名鄭玄云商家樂官知禮容所以禮署稱容臺

殷本紀注

周本紀武王命畢公表商容

之閭

散鹿臺之財發鉅橋之粟

同上



殷本紀紂厚賦稅以實鹿臺之錢而盈鉅橋之粟 周本紀  
武王命南容括散鹿臺之財發鉅橋之粟以振貧弱萌隸  
集解如淳曰新序曰鹿臺其大三里高千尺臣瓚曰鹿臺臺  
名今在朝歌城中服虔曰鉅橋倉名許慎曰鉅鹿水之大橋  
有漕粟也 索隱鄒誕生云鉅大橋器名也紂厚賦稅故因  
器而大其名 正義括地志云鹿臺在衛縣西南二十二里  
今商王受惟婦言是用牧誓  
殷本紀紂好酒淫樂嬖於婦人愛妲己惟妲己之言是從  
集解皇甫謐曰妲己有蘇氏之美女 索隱國語有種氏女  
妲字己姓也

惟宮室臺榭陂池侈服泰誓上

殷本紀益收狗馬奇物充仞宮室益廣沙邱苑臺多所野獸  
蜚鳥置其中慢于鬼神大聚樂戲于沙邱以酒為池縣內為  
林使男女保相逐其間為長夜之飲 集解爾疋曰池邈沙  
邱也地理志曰在鉅鹿東北七十里 正義括地志云沙邱  
臺在邢州平鄉東北二十里竹書紀年云自盤庚徙殷至紂  
之滅七百七十三年更不徙都紂時稍大其邑南距朝歌北  
據邯鄲及沙邱皆為離宮別館 又曰括地志云酒池在衛  
州衛縣西二十三里太公六韜云紂為酒池迴船槽邱而牛  
飲者三千餘人為輩



焚炙忠良同上

殷本紀紂乃重辟刑有炮烙之法集解列女傳曰膏銅柱

下加之炭令有罪者行焉輒墮炭中如已笑名曰炮烙之刑

索隱鄒誕生云烙一音閣又云見蟻布銅斗足廢而灰於

是為銅烙炊炭其下使罪人步其上與列女傳少異

格人元龜西伯戡黎

集解馬融曰元龜大龜也長尺二寸徐廣曰元一作卜  
殷本

紀注

故天棄我不有康食不虞天性不迪率典同上

集解鄭玄曰王暴虐於民使不得安食逆亂陰陽不度天性

傲很明德不修教法者同上

囚奴正士秦誓下

殷本紀箕子懼乃佯狂為奴紂又囚之

受率其旅若林會于牧野武成

殷本紀周武王於是遂率諸侯伐紂紂亦發兵距之牧野

周本紀紂聞武王來亦發兵七十萬人距武王集解鄭玄

曰牧野紂南郊地名也正義括地志云今衛州城即殷牧

野之地周武王伐紂時所築也

周

正義因太王所居周原因號曰周地理志云右扶風美陽縣



岐山西北中水鄉周太王所邑括地志云故周城一名美陽城在雍州武功縣西北二十五里即太王城也

帝曰棄黎民阻飢汝后稷播時百穀

舜典

周本紀后稷初生欲棄之因名曰棄及成人好耕農相地之宜民皆法則之帝堯聞之舉棄為農師天下得其利有功舜曰棄黎民始飢爾后稷播時百穀封棄於邠號曰后稷

西伯戡黎

周本紀文王敗耆國 集解徐廣曰耆一作汎 正義耆即

黎國也鄒誕生云本或作黎孔安國云黎在上黨東北括地志云故黎城黎侯國也在潞州黎城縣東北十八里尚書云西伯既戡黎是也

我生不有命在天

西伯戡黎

周本紀紂曰不有天命乎是何能為

昏棄厥遺王父母不迪

牧誓

集解鄭彖曰王父母弟祖父母之族必言母弟舉親者言之也

王朝至于商郊牧野

同上

正義括地理云衛州城故老云周武王代紂至于商郊牧野乃築此城酈元注水經云自朝歌南至清水土地平行據臯跨澤悉牧野也



及庸蜀羌髳微盧彭濮人同上 史記盧作纁

集解馬融曰八國武王所率將來伐紂也 正義髳音矛括

地志云房州竹山縣及金州石盧國也益州及巴利等州皆古蜀國隴右岷洮等州皆西羌也微纁古髳國之地戎府之南古微盧彭二國之地濮在楚西南武王率西南夷諸州伐紂也

紂也

昏棄厥肆祀弗答同上

集解鄭彖曰肆祭名答問也

夫子勗哉同上

集解鄭彖曰夫子丈夫之稱

弗迓克奔以役西土同上 史記迓作禦

集解鄭彖曰禦強禦謂強暴也克殺也不得暴殺紂師之奔走者當以為周之役也

爾所弗勗同上

集解鄭彖曰所言且也

罔有敵于我師前徒倒戈攻于後以北血流漂杵一戎衣天下

大定武成

周本紀紂師雖眾皆無戰之之心心欲武王之入紂師皆倒兵以戰以開武王武王馳之紂兵皆奔畔紂紂走反入登于鹿臺之上蒙衣其珠玉自燔于火而死



釋箕子囚同上

周本紀武王命召公釋箕子之囚集解徐廣曰釋一作原  
封比干墓同上

周本紀武王命闕天封比干之墓正義封謂益其土及畫  
疆界括地志云比干墓在衛州汲縣北十里二百五十步

武王伐殷往伐歸獸識其政事作武成書序

周本紀武王乃罷兵西歸行狩記政事作武成

歸馬于華山之陽放牛于桃林之野武成

正義華山在華陰縣南八里山南曰陽括地志云桃林在陝  
州桃林縣西山海經曰夸父之山其北有林焉名曰桃林廣  
圓三百里中多馬湖水出焉北流入河也

洪範

周本紀武王已克殷後二年問箕子殷所以亡箕子不忍言  
殷惡以存亡國宜告正義箕子殷人不忍言殷惡以周國  
之所言告武王為洪範九類武王以類問天道

王翼日乃瘳金滕

周本紀武王病天下未集羣公懼穆卜周公乃被齋自為質  
欲代武王武王有瘳正義被音廢又音拂謂除不祥求福  
也質音至周公被齋自以贄幣告三王請代武王武王病乃  
瘳也



成王既黜殷命殺武庚命微子啟代殷後作微子之命書序

周本紀周公奉成王命伐誅武庚管叔放蔡叔以微子開代

殷後國于宋 正義今宋州也

武王既勝殷邦諸侯班宗彝作分器書序

周本紀封諸侯班賜宗彝作分殷之器物 集解鄭彖云宗

彝宗廟樽也作分器著王之命及受物也

唐叔得禾異畝同穎獻諸天子王命唐叔歸周公于東作歸禾

書序周公既得命禾旅天子之命作嘉禾書序

周本紀晉唐叔得嘉禾獻之成王成王以歸周公于兵所周

公受禾東土魯天子之命 集解鄭彖曰嘉穀二苗同為一

穗者徐廣曰歸一作饋尚書序云旅天子之命魯亦旅也

成王既伐管叔蔡叔以殷餘民封康叔作康誥書序

周本紀頗收殷餘民以封少弟封為衛康叔 正義尚書洛

誥云我卜瀝水東亦惟洛食以居邶鄘衛之眾又多士篇序

云成周既成遷殷頑民按是為東周古洛陽城也括地志云

洛陽故城在洛州洛陽縣東北二十六里周公所築即成周

城也輿地志云以周地在王城東故曰東周敬王避子朝亂

自洛邑東居此以其迫隘不受王都故壞翟泉而廣之按武

王滅殷國為邶鄘衛三監尹之武庚作亂周公滅之徙三監

之民於成周頗收其餘眾以封康叔為衛侯即今衛州是也



成王在豐欲宅洛邑使召公先相宅作召誥書序召公既相宅周公往營成周使來告卜作洛誥書序

周本紀成王在豐使召公復營洛邑如武王之意周公復卜申視卒營築居九鼎焉曰此天下之中四方入貢道里均作召誥洛誥

成周既成遷殷頑民周公以王命誥作多士書序

周本紀成王既遷殷遺民周公以王命告作多士

成王東伐淮夷遂踐奄作成王政書序

集解鄭氏曰奄國在淮夷之北正義奄音於險反括地志

云泗州徐城縣北三十里古徐國即淮夷也兗州曲阜縣奄

里即奄國之地也

成王既踐奄將遷其君于蒲姑周公告召公作將蒲姑書序

集解馬融曰蒲姑齊地正義括地志云蒲姑故城在青州

博昌縣東北六十里薄姑氏殷諸侯封於此周滅之也

王來自奄至于宗周多方

正義伐奄歸鎬京也

成王既伐東夷肅慎來賀王俾榮伯作賄肅慎之命書序肅

慎史記作息慎 俾史記作賜

集解孔安國曰賄賜也馬融曰榮伯周同姓畿內諸侯為卿大夫者也



成王將崩命召公畢公率諸侯相康王作顧命書序

周本紀成王將崩懼太子釗之不任乃命召公畢公率諸侯以相太子而立之成王既崩二公率諸侯以太子釗見於先王廟申告以文王武王之所以為王業之不易務在節儉毋多欲以篤信臨之作顧命 集解鄭子曰臨終出命故謂之顧顧將去之意也

康王既尸天子遂誥諸侯作康王之誥書序

周本紀太子釗遂立是為康王康王即位徧告諸侯宣告以文武之業以申之作康誥

用敬保元子釗顧命

正義釗音招又古堯反

穆王命伯冏為周太僕正作冏命書序

周本紀穆王閔文武之道缺乃命伯冏申誡太僕國之政作冏命 集解應劭曰太僕周穆王所置蓋太御眾僕之長中大夫也

呂命穆王訓夏贖刑作呂刑書序

周本紀諸侯有不睦者甫侯言於王作修刑辟命曰甫刑

蚩尤惟始作亂呂刑

五帝本紀軒轅之時神農氏世衰諸侯相侵伐暴虐百姓而蚩尤最為暴莫能伐黃帝乃徵師諸侯與蚩尤戰於涿鹿之



野遂禽殺蚩尤諸侯咸尊軒轅為天子代神農氏是為黃帝

集解應劭曰蚩尤古天子臣瓚曰孔子三朝記曰蚩尤廢

人之貪者 索隱按此紀云諸侯相侵伐蚩尤最為暴則蚩

尤非為天子也又管子曰蚩尤受廬山之金而作五兵明非

庶人蓋諸侯號也 正義龍魚河圖云黃帝攝政有蚩尤兄

弟八十一人共獸身人語銅頭鐵額食沙造五兵仗刀戟大

弩威振天下誅殺無道萬民欽命黃帝行天子事黃帝以仁

義不能禁止蚩尤乃仰天而嘆天遣多女下授黃帝兵符伏

蚩尤後天下復擾亂黃帝遂畫蚩尤刑像以威天下咸謂蚩

尤不灰八方皆為殄滅山海經云黃帝命應龍攻蚩尤蚩尤

請風伯雨師以從大風雨黃帝乃下天女曰魃以止雨雨止

遂殺蚩尤孔安國曰九黎君號蚩尤是也 集解皇覽曰蚩

尤冢在東平郡壽張縣闕鄉城中高七尺民常十月祀之有

赤氣出如匹絳帛民名為蚩尤旗有髀冢在山陽郡鉅野縣

重聚大人與闕冢等傳言黃帝與蚩尤戰於涿鹿之野黃帝

殺之身體異處故別葬之 索隱按皇甫謐云黃帝使應龍

殺蚩尤于凶黎之谷或曰黃帝斬蚩尤于中冀因名其地曰

絕轡之野 五帝本紀注

何擇非人 同上

集解玉肅曰訓以安百姓之道當何所選擇乎非當選擇賢



人乎周本紀注

兩造具備同上

集解徐廣曰造一作遭同上

師聽五辭同上

正義漢書刑法志云五聽一曰辭聽二曰色聽三曰氣聽四曰耳聽五曰目聽周禮云辭不直則言繁目不直則視眇耳不直則對答惑色不直則貌赭氣不直則數端也同上

其罪惟均同上

集解馬融曰以此五過出入人罪與犯法者等同上

墨辟疑赦其罰百鍰同上史記墨作黥鍰作率

集解徐廣曰率即鍰也音刷孔安國曰六兩曰鍰鍰黃鐵也

索隱鍰黃鐵鏘亦六兩故馬融曰鏘量名與呂刑鍰同舊

本率亦作選同上

剕辟疑赦其罰惟倍同上史記作其罰倍灑

集解徐廣曰一作五倍曰徒孔安國曰倍百為二百鍰也

索隱灑音戾

剕辟疑赦其罰倍差剕史記作臠

集解馬融曰倍二百為四百鍰也差者又加四百之三分之一凡五百三十三三分之一也正義倍中之差二百去三分之一合三百三十三鍰二兩也宮刑其罰五臠刑反加其數故知



馬孔之說皆非也同上

秦誓

秦本紀繆公復益厚孟明等使將兵發晉大敗晉人封散尸發喪哭之三日乃誓於軍曰嗟士卒聽無譁余誓告汝古之人謀黃髮番番則無所過以申思不用蹇叔百里傒之謀故作此誓令後世以記余過君子聞之皆為垂涕曰嗟乎秦繆公之與人周也卒得孟明之慶

番番良士秦誓

正義番音婆字當作皤皤白髮貌秦本紀注

朕言惠臯陶謨

集解朕我也古者上下共稱之貴賤不嫌則可以同號之義

也臯陶與舜言朕言惠可底行屈原曰朕皇考至秦然後天

子獨以為稱漢因而不改秦始皇本紀注

歲二月東巡守舜典

正義古者帝王巡守常以仲月同上

仲丁遷蹕書序

集解蹕音教臣瓚曰教地名在滎陽西北山臨河有大倉項

羽本紀注

尚書

三代世表序孔子序尚書則畧無年月或頗有然多闕不可



錄故疑則傳疑蓋其慎也

於絲哉堯典

索隱按漢書麻律志顓頊五代而生絲而史記及帝系皆云顓頊生絲是古史闕其代系也三代世表註

用敬保元子釗顧命

索隱釗克堯反音昭 三代世表注

又歌曰元首叢脞哉股肱惰哉萬事墮哉益稷

樂書余每讀虞書至於君臣相勅惟是幾安而股肱不良萬事墮壞未嘗不流涕也

歸馬于華山之陽放牛于桃林之野武成

正義桃林在華山之旁此二處然是牛馬放生地初伐紂時

就此取之今事竟仍歸前處也樂書注

曰急恒寒若洪範

正義人君暴虐酷急即恒寒應之寒生北方乃殺氣也律書

注

成湯放桀于南巢仲虺之誥

正義南巢今廬州巢縣是也淮南子云湯伐桀放之歷上與

宋喜同舟浮江奔南巢之山而歿按巢即山名古巢國也云

南巢者在中國之南也同上

以齊七政舜典



索隱日月五星七者可以正天時同上

在璿璣玉衡以齊七政同上

律書贊太史公曰故璿璣玉衡以齊七政即天地二十八宿十母十二子鍾律調自上古建律運麻造日度可據而度也合符節通道德即從斯之謂也 正義十母十干也十二子十二支也度田洛反

曆三百有六旬有六日以閏月定四時成歲堯典

正義鄧平洛下閏云一月之日二十九日八十一分日之四十八按計其餘分成閏故云正閏餘也每一歲三百六十六日餘六日小月大月是一歲餘十二日大計三十三月則一

閏之耳 集解漢書音義曰以歲之餘為閏故曰閏餘麻書

注

以齊七政舜典

正義張衡云文曜麗乎天其動者有七日月五星是也日者陽精之宗月者陰精之宗五星五行之精衆星列布體生於地精成於天列居錯峙各有所屬在野象物在朝象官在人象事其以神著有五列焉天官書注 又曰馬融注尚書云七

政者北斗七星各有所主第一曰主日法天第二曰主月法地第三曰命火謂熒惑也第四曰殺土謂填星也第五曰伐水謂辰星也第六曰危木謂歲星也第七曰罰金謂太白也



日月五星各異故名曰七政也又尚書大傳云七政謂春秋  
冬夏天文地理人道所以為政也人道正而萬事順成矣  
上

歲二月東巡守至于岱宗柴望秩于山川肆覲東后

舜典

封禪書岱宗泰山也東后者諸侯也正義括地志云泰山  
一曰岱宗東岳也在兗州博城縣西北三十里

五月南巡守至于南岳如岱禮

封禪書南岳衡山也正義括地志云衡山一名岫嶽山在  
衡州湘潭縣西四十一里

八月西巡守至于西岳如初

封禪書西岳華山也正義括地志云華山在華州華陽縣  
南八里古文以為敦物

十有一月朔巡守至于北岳如西禮

封禪書北岳恒山也正義括地志云恒山在定州恒陽縣  
西北一百四十里

湯既勝殷欲遷其社不可作夏社疑至臣扈

書序

封禪書湯伐桀欲遷夏社不可作夏社

伊陟相太戊亳有祥桑穀共生于朝伊陟贊于巫咸作巫咸又四

篇  
書序

封禪書湯後八世至帝太戊有桑穀生于廷一暮大拱懼伊



陟曰妖不勝德太戊修德桑穀成伊陟贊巫咸巫咸之興自此始  
索隱按尚書伊陟贊于巫咸孔安國云贊告也巫咸  
臣名今此云巫咸之興自此始則以巫咸為巫覡然楚詞亦  
以巫咸主神蓋太史公以巫咸是殷臣以巫接神事太戊使  
禳桑穀之災所以伊陟贊巫咸故云巫咸之興自此始也  
北過降水至于大陸禹貢

正義大陸澤在邢州及趙州畧界一名廣阿澤一名鉅鹿澤也  
河渠書注

又北播為九河同為逆河入于海同上

正義言過絳水及大陸水之口至冀州分為九河也集解

臣瓚曰禹貢云夾右碣石入于海然則河口之入海乃在碣  
石也武帝元光二年河徙東郡更注勃海禹時不注勃海也

周公

魯周公世家周公旦者周武王弟也自文王在時旦為子孝  
篤仁異於羣子集解譙周曰以太王所居周地為其采邑  
故謂之周公索隱周地名在岐山之陽本太王所居後以  
為周公之采邑故曰周公即今之扶風雍東北故周城也謚  
周文公見國語

王朝至于商郊牧野牧誓

正義衛州即牧野之地東北去朝歌七十三里魯周公世家



注

牧誓

魯世家武王十一年伐紂至牧野周公佐武王作牧誓

二公曰我其為王穆下金滕以下並同

魯世家二年天下未集武王有疾不豫羣臣懼太公召公乃

繆下集解徐廣曰古文穆字多作繆以下並魯世家及注

未可以戚我先王

集解鄭彖曰二公欲就文王廟卜戚憂也未可憂怖我先王也

史乃冊祝曰

史記冊作策

集解鄭彖曰策周公所作謂簡書也祝者讀此簡書以告三

王

是有丕子之責于天

史記丕作負

索隱尚書負為丕今此為負者謂三王負上天之責故我當

代之鄭彖亦曰丕讀曰負

乃命于帝廷敷佑四方

集解馬融曰武王受命于天帝之庭布其道以佑助四方

無墜天之降寶命我先王亦永有依歸

集解鄭彖曰降下也寶猶主也有所依歸為宗廟之主也

今我即命于元龜



集解馬融曰元龜大龜也

歸侯爾命

集解馬融曰待汝命武王當愈我當歿也

啟籥見書

集解王肅曰籥藏占兆書管也

茲攸侯能念予一人

集解馬融曰一人天子也鄭彖曰茲此也

乃問諸史與百執事

集解鄭彖曰問者問審然否也

王執書以泣

集解鄭彖曰泣者傷周公忠孝如是而無知之者

惟朕小子其新迎我國家禮亦宜之

正義王肅曰亦宜褒有德也孔安國曰周王以成王未寤故

留東未還成王改過自新遣使者迎之亦國家禮有德之宜

也按王孔二說皆非也言成王以開金縢之書知天風雷以

彰周公之德故成王亦設郊天之禮以迎我國家先祖配食

之禮亦當宜之故成王出郊天乃雨反風也

反風

集解馬融曰反風之還反也

盡起而築之



集解徐廣曰築拾也駟案馬融曰禾為木所偃者起其木拾其下禾乃無所失也

大誥篇

魯世家管蔡武庚等率淮夷而反周公乃奉成王命與師東伐作大誥

歸禾篇

史記作餽禾

異畝同穎

史記作異母

索隱尚書作畝此為毋義亦並通

王朝步自周則至于豐召誥

集解馬融曰周鎬京也豐文王廟所在朝者舉事上朝將即土中易都大事故告文王武王廟鄭子曰步行也堂下謂之步豐鎬異邑而言步者告武王廟即行出廟入廟不以為遠為父恭也 索隱豐文王所作邑後武王都鎬於豐立文王廟按豐在鄆縣東臨豐水東去鎬二十五里也

惟太保先周公相宅

同上

集解鄭子曰相視也

無逸篇

以下並同

魯世家周公恐成王壯治有所淫佚乃作毋逸稱為人父母為業至長久子孫驕奢忘之以止其家為人子可不慎乎治民祇懼不敢荒寧

集解馬融曰寧安也知民之勞苦不敢荒廢自安也



舊勞于外爰暨小人

集解馬融曰武丁為太子時其父小乙使行役有所勞役於外與小人從事知小人艱難勞苦也鄭彖曰為父小乙將師役於外也

言乃雍

史記雍作謹

集解鄭彖曰謹喜悅也言乃喜悅則臣民望其言久矣

五十有九年

按史記作五十五年

其在祖甲

集解孔安國王肅然云祖甲湯孫太甲也馬融鄭彖然云祖

甲武丁子帝甲也索隱按紀年太甲惟得十二年此云祖

甲享國三十三年知祖甲是帝甲明矣

不義惟王舊為小人

集解馬融曰祖甲有兄祖庚而祖甲賢武丁欲立之祖甲以王廢長立少不義逃亡民間故曰不義惟王久為小人也武丁死祖庚立祖庚死弟祖甲立

誕淫厥洙罔顧于天顯民祗多士

集解馬融曰紂大淫樂其逸無所能顧念於天施顯道於民而敬之也

立政



魯世家官別其宜作立政

周官

魯世家成王在豐天下已安周之官政未次序於是周公作周官

費誓

史記作盼誓 以下並同

魯世家伯禽即位之後有管蔡等反也淮夷徐戎亦並興反於是伯禽率師伐之於盼作盼誓 集解徐廣曰一作鮮一作彌駟案尚書作棗孔安國曰魯東郊之地名也 索隱尚書作棗誓今尚書大傳作鮮誓鮮誓即盼誓古文字異義亦變也鮮彌也言於盼地誓衆因行彌田之禮以取鮮獸而祭故字或作鮮或作彌也孔安國云棗魯東郊地名即魯卿季氏之費邑地也

無敢傷牯

正義牯古毒反牛馬牢也令臣無傷其牢恐牛馬逸

馬牛其風臣妾逋逃

集解鄭子曰風走逸臣妾廝役之屬也

無敢寇攘

集解鄭子曰寇劫取也因其失亡曰攘

魯人三郊三遂

集解王肅曰邑外曰郊郊外曰遂不言四者東郊留守故言



三也

時乃楨榦

集解馬融曰楨榦皆築具楨在前榦在兩旁

汝則有大刑

集解馬融曰大刑亦刑

召公

燕召公世家召公奭與周同姓姓姬氏周武王之滅召封召

公於北燕其在成王時召公為三公自陝以西召公主之自

陝以東周公主之 集解譙周曰周之支族食邑於召謂之

召公 索隱召者畿內采地奭始食於召故曰召公或說者

以為文王受命取岐周故墟周召地分爵二公故詩有周召

二南言皆在岐山之陽故言南後武王封之北燕在今幽州

薊縣故城是也亦以元子就封而次子留周室代為召公至

宣王時召康公虎其後也

君奭篇

燕召公世家成王幼周公攝政當國踐祚召公疑之作君奭

集解馬融曰召公以周公既攝政致太平功配文武不宜

復列在臣位故不悅周公以為周公苟貪寵也

時則有若伊尹格于皇天

以下並君奭

集解鄭參曰皇天北極天帝也 燕世家注下並同



時則有若伊陟臣扈格于上帝

集解馬融曰道至于上帝謂奉天時也鄭彖曰上帝太微中其所統也

率惟茲有陳保乂有殷

集解王肅曰循此數臣有陳列之功安治有殷也

康誥酒誥梓材

衛康叔世家周公旦懼康叔齒少乃申告康叔曰必求殷之賢人君子長者問其先殷所以興所以亡而務愛民告以紂所以亡者以淫于酒酒之失婦人是用故紂之亂自此始為梓材示君子可法則故謂之康誥酒誥梓材以命之

西伯戡黎

宋微子世家祖伊以周西伯昌之修德滅阮阮國懼禍至以告紂 集解徐廣曰阮音者 索隱者即黎也鄒誕生云本作鬲音黎孔安國云黎在上黨東北即今之黎亭

我祖底遂陳于上

微子以下並同

集解馬融曰我祖湯也

宋世家注以下並同

用亂敗厥德于下

集解馬融曰下下世也

卿士師師非度

集解馬融曰非但小人學為姦宄卿士已下轉相師效為非



法度

凡有辜罪乃罔恒獲

集解鄭子曰獲得也羣臣皆有是罪其爵祿又無常得之者

言屢相攻奪

今殷其淪喪若涉大水其無津涯

史記淪作典

集解徐廣曰一作涉水無舟航言危也駟謂典國典也

索

隱尚書典作淪篆字變易其義亦殊喪音息浪反

殷遂喪越至于今

集解馬融曰越於也於是至矣於今到矣

曰父師少師

集解馬融曰重呼以告之

我其發出狂

史記狂作往

集解鄭子曰發起也紂禍敗如此我其起作出往也

索隱

往尚書作狂蓋亦今文尚書意異耳

吾家老遜于荒

史記作吾家保于喪

集解徐廣曰一云於是家保駟索馬融曰卿大夫稱家

今爾無指告于顛隲若之何其

集解王肅曰言汝無意告我也是微子求教誨也馬融曰隲

猶墜也恐顛墜于非義當如之何也鄭子曰其語助也齊魯

之間聲如姬記曰何居



父師若曰

集解鄭彖曰少師不答志在必死

今殷民乃攘竊神祇之犧牲牲

史記作今殷民乃陋淫神祇之祀

集解徐廣曰今殷民侵神犧又一云陋淫侵神祇駟案馬融

曰天曰神地曰祇索隱尚書作攘竊劉氏云陋淫猶輕穢

也

帝乃震怒不畀洪範九疇彝攸斁以下並洪範

集解鄭彖曰帝天也天以絲如是乃震動其威怒不與天道

大法九類言王所問所由敗也宋世家注以下並同

絲則殛死禹乃嗣興

集解鄭彖曰春秋傳曰舜之誅也殛絲其舉也興禹

威用六極

威史記作畏

集解馬融曰言天所以畏懼人用六極

五曰土

集解鄭彖曰此數本諸陰陽所生之次也

金曰從革

集解馬融曰金之性從人而更可銷鍊

土爰稼穡

集解王肅曰種之曰稼斂之曰穡

言曰從



集解馬融曰發言當使可從

思曰睿

集解馬融曰睿通也

從作又

史記又作治

集解馬融曰出令而從所以為治也

聰作謀

集解馬融曰上聰則下進其謀

四曰司空

集解馬融曰司空掌營城郭主空土以居民

六曰司寇

集解馬融曰主誅寇害

七曰賓

集解鄭彖曰掌諸侯朝覲之官

八曰師

集解鄭彖曰掌軍旅之官

四曰星辰

集解馬融曰星二十八宿辰日月之所會也鄭彖曰星五星也

斂時五福用敷錫厥庶民

集解馬融曰當斂是五福之道用布與眾民



惟時厥庶民于汝極

集解馬融曰以其能斂是五福故衆民於汝取中正以歸心也

錫汝保極

集解鄭彖曰又賜汝以守中之道

凡厥庶民有猷有為有守汝則念之

集解馬融曰凡其衆民有謀有為有所執守當思念其行有所趣舍也

而畏高明

集解馬融曰高明顯寵者不枉法畏之

使羞其行而邦其昌

集解王肅曰使進其行任之以政則國為之昌

于其無好德汝雖錫之福其作汝用咎

集解鄭彖曰無好於汝家之人雖錫之爵祿其動作為汝用惡謂為天子結怨於民

無有作好

集解馬融曰好私好也

無偏無黨

集解鄭彖曰黨朋黨也

無反無側



集解馬融曰反反道也側傾側也

會其有極

集解鄭玄曰謂君也當會聚有中之人以為臣也

歸其有極

集解鄭玄曰謂臣也當就有中之君而事之

曰皇極之敷言

集解馬融曰王者當盡極行之使臣下布陳其言

是彝是訓于帝其訓

下訓字史記作順

集解馬融曰是大中而常行之用是教訓天下於天為順也

凡厥庶民極之敷言

集解馬融曰亦盡極敷陳其言於上也

是訓是行

訓史記作順

集解王肅曰民納言於上而得中者則順而行之

以迓天子之光

集解王肅曰迓猶益也順行民言以益天子之光

天子作民父母以為天下王

集解王肅曰政教務中民善是用所以為民父母而為天下

所歸往

一曰正直

集解鄭玄曰中平之人



二曰剛克三曰柔克

集解鄭彖曰克能也剛而能柔柔而能剛寬猛相濟以成治立功

變友柔克

變史記作內

索隱內當為變變和也

沈潛剛克

潛史記作漸

集解馬融曰沈陰也潛伏也陰伏之謀謂賊臣亂子非一朝一夕之漸君親無將將則必誅 索隱尚書作潛此作漸其義當依馬注

高明柔克

集解馬融曰高明君子亦以德懷也

惟辟作福惟辟作威惟辟玉食

集解馬融曰辟君也玉食美食不言王者關諸侯也鄭彖曰作福專爵賞也作威專刑罰也玉食備珍美也

曰蒙

史記作霧

集解徐廣曰一曰洩曰被 索隱霧音蒙然蒙與霧亦通徐氏所見本涕作洩蒙作被義通而字變耳

曰驛

史記作涕

集解尚書作圉 索隱涕音亦尚書作驛孔安國云氣絡驛下連續今此文作涕是涕泣亦相連之狀也



凡七卜五占用二行忒

集解鄭彖曰卜五占之用謂兩霽蒙驛克也二行忒謂貞悔也將立卜筮人乃先命名兆卦而分別之兆卦之名凡五龜用五易用二審此道者乃立之也雨者兆之體氣如雨然也霧者如雨止之雲氣在上者也驛者色澤而光明也蒙者氣不釋鬱冥冥也克者如稜氣之色相犯也內卦曰貞貞正也外卦曰悔悔之言晦也晦猶終也卦象多變故言行忒立時人作卜筮

集解鄭彖曰立是能分別兆卦之名者以為卜筮人三人占則從二人之言

集解鄭彖曰從其多者著龜之道幽微難明慎之深

汝則從龜從筮從卿士逆庶民逆吉卿士從龜從筮從汝則逆庶民逆吉庶民從龜從筮從汝則逆卿士逆吉

集解鄭彖曰此三者皆從多故為吉

汝則從龜從筮逆卿士逆庶民逆作內吉作外凶

集解鄭彖曰此逆者多以故舉事於境內則吉於境外則凶龜筮共違于人用靜吉用作凶

集解鄭彖曰龜筮皆與人謀相違人雖三從猶不可以舉事

曰豫恒燠若

豫史記作舒

索隱舒依字讀按下有曰急



王省惟歲

集解鄭彖曰言王者所普職如歲兼四時也

一曰凶短折

集解鄭彖曰未覲曰凶未冠曰短未婚曰折 索隱未覲未

毀齒也音楚恠反

六曰弱

集解鄭彖曰愚懦不壯毅曰弱

文侯之命

索隱尚書文侯之命是平王命晉文侯之語史記乃是襄王

命文公重耳之事代數懸隔勳策全乖太史公雖復彌縫左

氏而系家頗亦時有疎謬裴氏集解亦引孔馬之注而都不

言時代乖角何習迷而同辭也然計平王至襄王為七代仇

至重耳為十一代而十三侯又平王元年至魯僖二十八年

當襄二十年為一百三十餘歲矣學者頗合討論之劉伯莊

以為蓋天子命晉同此一辭尤為非也 晉世家注下同

父義和

集解孔安國曰同姓故稱曰父馬融曰王順曰父能以義和

我諸侯

丕顯文武克慎明德

集解孔安國曰言文王武王能詳慎顯用明德



昭升于上敷聞在下人王先王命世

集解馬融曰昭明也上謂天下謂人

惟時上帝集厥命于文王

集解孔安國曰當憂念我身則我一人長安在位

孔子序書

孔子世家孔子序書傳上紀唐虞之際下至秦繆編序其事

娶于塗山益稷

索隱韋昭云塗山國名禹所娶在今九江應劭云九江當塗

有禹墟大戴禮云禹娶塗山氏之女謂之女僑生啟也外戚

世家注

式商容閭武成下同 留侯世家式作表

索隱崔浩云表者標榜其里門商容紂時賢人也韓詩外傳

曰商容執羽籥馮於馬徒欲以化紂而不能遂去伏於太行

山武王欲以為三公固辭不受留侯世家注

歸馬于華山之陽

留侯世家休馬華山之陽示以無所為

放牛于桃林之野

留侯世家放牛桃林之陽以示不復輸積索隱晉灼云桃

林在弘農南閿鄉谷中應劭十二州記弘農有桃邱聚古桃

林也山海經云夸父之山北有桃林廣三百里也

集解孔安國曰惟以是故  
集成其王命德流于孫  
嗚呼有積于一人永無在位



曰若稽古帝堯堯典

索隱魏高貴鄉公云稽同也古天也謂堯能同天也三王世

家注

惟稽古崇德象賢微子之命

索隱褚先生解云維者度也稽者當也言當順古之道也同

上

沈酗于酒微子

索隱酗酒即今所謂使酒言因酒縱性無所不為也季布傳

注

呂刑篇

甸奴列傳周道衰穆王伐犬戎得四白狼四白鹿以歸自是之後荒服不至於是周遂作甫刑之辟

尚書

正義尚書所以明帝王君臣之道也司馬相如傳注

右書

有娥方將帝立子生商商頌長發篇

殷本紀殷契母曰簡狄有娥氏之女為帝嚳次妃三人行浴見彗鳥墮其卵簡狄取吞之因孕生契集解淮南子曰有娥在不周之北索隱簡狄舊本作易狄音同又作媯吐歷反譙周云契生堯代舜始舉之必非嚳子以其父微故不著



名其母娥氏女與宗婦三人浴于川兮鳥遺卵簡狄吞之則  
簡狄非帝嚳次妃明也 正義按記云桀敗于有娥之墟則  
有娥當在蒲州也括地志云商州東八十里商洛縣本商邑  
古之商國帝嚳之契子所封也

相土烈烈同上

殷本紀契卒子昭明立昭明卒子相土立 集解宋衷曰相  
土就契封于商春秋左氏傳曰鬻伯居商邱相土因之 索  
隱相土佐夏功著於商

昆吾夏桀同上

正義帝嚳時陸終之長於夏臺子昆吾氏之後也世本云昆  
吾者衛氏是

武王靡不勝商頌兮鳥篇

殷本紀湯曰吾甚武號曰武王

厥初生民時維姜嫄生民如何克禋克祀以弗無子履帝武敏  
歆攸介攸止載震載夙載生載育時維后稷 大正生民篇

周本紀周后稷名棄其母有邠氏女曰姜原姜原為帝嚳元  
妃姜原出野見巨人跡心忻然說欲踐之踐之而身動如孕  
者居期而生子 集解韓詩章句曰姜姓原字或曰姜原謚  
號也 索隱譙周以為棄帝嚳之胄其父亦不著與此紀異  
誕寘之隘巷牛羊腓字之誕寘之平林會伐平林誕寘之寒冰



鳥覆翼之同上

周本紀以為不祥棄之隘巷馬牛過者皆辟不踐徒置之林中適會山林多人遷之而棄渠中冰上飛鳥以其翼覆薦之姜原以為神遂收養長之

誕后稷之穡一節同上

周本紀棄為兒時屹如巨人之志其遊戲好種樹麻菽麻菽美及為成人遂好神農相地之宜宜穀者稼穡焉正義種曰稼斂曰穡

即有邵家室同上

集解徐廣曰今釐鄉在扶風索隱邵即釐古今字異耳

正義括地志云故釐城一名武功城在雍州武功縣西南二十里古邵國名稷所封也有后稷及姜嫄祠毛萇云邵姜嫄國也后稷所生堯見天因邵而生后稷故因封於邵也

幽風

周本紀公劉卒子慶節立國於幽集解徐廣曰新平漆縣之東北有幽亭索隱幽即邠也古今字異耳正義括地志云幽州新平縣即漢漆縣詩幽國公劉所邑之地也

公劉篇大正

周本紀后稷卒子不窋立不窋卒子鞠立鞠卒子公劉立公劉雖在戎狄之間復修后稷之業務耕種行地宜自漆沮度



渭取材用行者有資居者有畜積民賴其慶百姓懷之多從  
而保歸焉周道之興自此始故詩人歌樂思其德 索隱即  
詩大正篤公劉篇是也 正義公劉徙漆縣漆水南渡渭水  
至南山取材木為用也括地志云幽州新平縣即漢漆縣也  
漆水在岐山普潤縣東岐山漆水東入渭

后稷之孫實維大王居岐之陽實始翦商

魯頌閟宮篇

周本紀古公止於岐下乃貶戎狄之俗而營築城郭宮室而  
邑別居之民皆歌樂之頌其德 集解徐廣曰分別而為邑  
落也 索隱此即詩頌云后稷之孫實維大王居岐之陽實  
始翦商是也

摯仲氏任一節

大正大明篇

周本紀季歷娶太任生昌有聖瑞 正義國語云摯時二國  
任姓虞仲仲虺之後太任之家太任王季之妃文王母也  
又曰列女傳云太任王季妃也太任之性端壹誠莊維德之  
行及其有身目不視惡色耳不聽淫聲口不出傲言能以胎  
教子而生文王 又曰尚書帝命驗云季秋之月甲子赤爵  
銜丹書入于豐止于昌戶其書曰敬勝怠者吉怠勝敬者滅  
義勝欲者從欲勝義者凶凡事不强則不枉不敬則不正枉  
者廢滅敬者萬世以仁得之以仁守之其量百世以不仁得  
之以仁守之其量十世以不仁得之不仁守之不及其世此



蓋聖瑞也

爰及姜女大正縣之篇

集解列女傳曰太姜有邵氏之女也 正義國語云齊許申  
呂四國皆姜姓也四岳之後太姜之家太姜太王之妃王季  
之母也 又云列女傳曰太姜太王娶以為妃生太伯仲雍  
王季太姜有色而貞順率尊諸子至于成童靡有過失太王  
謀事必於太姜

虞芮質厥成文王蹶厥生同上

周本紀西伯陰行善諸侯皆來決平於是虞芮之人有獄不  
能決乃如周入界耕者皆讓畔民俗皆讓長虞芮之人未見

西伯皆慙相謂曰吾所爭周人所恥何往為祇取辱耳遂還  
俱讓而去諸侯聞之曰西伯蓋受命之君也 集解地理志

云虞在河東大陽縣芮在馮翊臨晉縣 正義括地志云故

虞城在陝州河北縣東北五十里虞山之上古虞國也故芮  
芮城在今芮城縣西二十里古芮國也晉太康地記云虞西

百四十里有芮城又有閑原在河北縣西六十五里詩云虞  
芮質厥成蓋二君相讓以為閑原也至今尚在注引地理志

以為芮在臨晉者恐踈閑原在河東復與虞芮相接臨晉在  
河西同州非臨晉芮城明矣

密人不恭大正皇矣篇



周本紀文王伐密須 集解應劭曰密須氏姞姓之國臣瓚曰安定陰密縣是 正義括地志云陰密故城在涇州鶉觚縣西其東接縣城即古密國杜預云姞姓國在安定陰密縣也

既伐于崇作邑于豐

大正文王有聲篇

周本紀文王伐崇侯虎而作豐邑自岐下而徙都豐 索隱連山易云鯀封于崇是虞夏商周皆有崇國也崇國蓋在豐鎬之間詩云既伐于崇作邑于豐是國之地也 集解徐廣曰豐在京兆鄠縣東有靈臺鎬在上林昆明北有鎬池去豐二十五里皆在長安南數十里 正義括地志云周豐宮周文王宮也在雍州鄠縣東三十五里

考卜維皇宅是鎬京

同上

正義括地志云鎬在雍州西南三十二里

殷商之旅其會如林

大正大明篇

殷本紀武王於是遂率諸侯伐紂紂亦發兵距之牧野 周本紀紂聞武王來亦發兵七十萬人距武王

載戢干戈載櫜弓矢我求懿德肆于時夏允王保之

周頌時邁

篇

集解唐固曰櫜韜也韋昭曰言武王常求美德故陳其功於是夏而歌之信哉武王能保此時夏之美樂章大者曰夏

周



莫敢不來王

商頌殷武篇

集解韋昭曰王王事天子也詩曰莫敢不來王是也同上

陳錫哉周

大正文王篇

史記哉作載

集解唐固曰言文王布錫施利以載成周道也同上

生仲山甫

大正庶民篇

正義括地志云漢樊縣城在兗州瑕邱縣西南古樊國仲山

甫所封也

秦風

秦本紀秦之先帝顓頊之苗裔孫曰女修女修織紵鳥隕卵

女修吞之生子大業大業娶少典之子曰女華女華生大費

與禹平水土已成帝錫名禹受曰非予能成亦大費為輔

帝舜曰咨爾費贊禹功其賜爾阜游爾後嗣將大出乃妻之

姚姓之玉女大費拜受佐舜調馴鳥獸鳥獸多馴服是為柏

翳舜賜姓嬴氏大費生子二人一曰大廉實鳥俗氏二曰若

木實費氏其子孫曰費昌子孫或在中國或在夷狄費昌當

夏桀之時去夏歸商為湯御以敗桀於鳴條大廉子孫曰孟

戲中行鳥身人言帝太戊聞而卜之使御吉遂致使御而妻

之自太戊中行之後遂世有功以佐殷國故嬴姓為顯遂為

諸侯其子孫曰中湏在西戎保西垂生蜚廉蜚廉生惡來惡



來有力蜚廉善走父子俱以材力事殷紂周武王伐紂并殺  
惡來是時蜚廉為紂石北方還無所報為壇霍太山而報得  
石棺銘曰帝令處父不與殷亂賜爾石棺以華氏歿遂葬於  
霍太山惡來既早歿有子曰女防女防生旁皐旁皐生大儿  
大儿生大駱大駱生非子居犬邱好馬及畜善養息之周孝  
王召使主馬於汧渭之間馬大蕃息孝王欲以為大駱適嗣  
申侯之女為大駱妻生子成為適申侯乃言孝王曰昔我先  
酈山之女為戎昏軒妻生中潏以親故歸周保西垂西垂以  
其故和睦今我復與大駱妻生適子成申駱重婚西戎皆服  
所以為王王其圖之於是孝王曰昔柏翳為舜主畜畜多息  
故有土賜姓嬴今其後世亦為朕息馬朕其分土為附庸邑  
之秦使復續嬴氏祀號曰秦嬴亦不廢申侯之女為駱適者  
以和西戎秦嬴生秦侯秦侯生公伯公伯生秦仲秦仲立三  
年周厲王無道西戎反王室周宣王即位乃以秦仲為大夫  
誅西戎西戎殺秦仲有子五人長曰莊公周宣王乃召  
莊公昆弟五人與兵七千人使伐西戎破之於是復予秦仲  
後及其先大駱地犬邱并有之為西垂大夫莊公卒太子襄  
公立周幽王廢太子立褒姒子為適諸侯叛之西戎犬戎與  
申侯伐周殺幽王而秦襄公將兵救周有功周避犬戎難東  
徙雒邑襄公以兵送周平王平王封襄公為諸侯賜之岐以



西之地與誓封爵之襄公於是始國與諸侯通使聘享之禮  
集解徐廣曰秦今天水隴西縣秦亭也 正義括地志云

秦州清水縣本名秦嬴姓邑十三州志云秦亭秦谷是也周  
太史儋云始周與秦國合而別故天子邑之秦 又云注水

經云秦莊公伐西戎破之周宣王與大駱犬邱之地為西垂  
大夫括地志云秦州上邽縣西南九十里漢隴西郡縣是也  
車鄰美秦仲也秦仲始大有車馬禮樂侍御之好焉 詩序

秦本紀秦仲立三年周厲王無道西戎反王室滅犬邱大駱  
之族周宣王即位乃以秦仲為大夫誅西戎 集解此毛詩  
序所云秦仲始大有車馬禮樂侍御之好也

小戎美襄公也備其兵甲以討西戎西戎方強而征伐不休國  
人則矜其車甲婦人能閑其君子焉 詩序

秦本紀襄公七年西戎犬戎與申侯伐周殺幽王秦襄公將  
兵救周戰甚力有功周避犬戎難東徙維也襄公以兵送周  
平王平王封襄公為諸侯賜之岐以西之地曰戎無道侵奪  
我岐豐之地秦能攻逐戎即有其地與誓封爵之襄公於是  
始國與諸侯通使聘享之禮

騏駼是中 小戎篇

集解郭璞曰駼馬赤也徐廣曰赤馬黑髦曰駼 秦本紀注

駟驪是駟 同上



索隱劉氏音義云駟淺黃色同上

我庾維億小正楚茨篇

集解應劭曰水漕倉曰庾胡公曰在邑曰倉在野曰庾索

隱郭璞注三倉云庾倉無屋也孝文本紀注

自堂徂基自羊徂牛周頌絜衣篇

正義自堂從內往外基門內塾也鄭多云門側之堂謂之塾

自堂往塾先視羊後及牛也武帝本紀注

鼎鼎及才鼎 同上

集解韋昭曰爾疋云鼎絕大謂之鼎圜弁上謂之才鼎 同上

不吳不敖同上 史記吳作虞

索隱姚氏按何承天云虞當為吳音洪霸反又說文以吳一

口大言也此作虞者與吳聲相近故假借也或者本文借此

虞為驩娛字故也同上

關雎篇

十二諸侯年表序周道缺詩人本之衽席關雎作

鹿鳴篇

十二諸侯年表序仁義陵遲鹿鳴刺焉

約軼錯衡

索隱錯衡錯鏤衡扼為文飾也禮書注

遵彼汝墳



正義括地志云汝水源出汝州魯山縣西伏牛山亦名猛山其水至豫州鄆城縣名瀆水爾疋云河有澨汝有瀆亦汝之別名地理志定陵縣高陵山汝水出東南至新蔡入淮同上江漢浮浮

正義江即岷江從蜀入楚在荊州南漢水從漢水東南入江同上

小豳篇

周頌

樂書成王作頌推已懲艾悲彼家難可不謂戰戰恐懼善守善終哉

伯氏吹埙仲氏吹篪

索隱埙以土為之大如鵝子形似鐘吹之為聲篪以竹為之六孔一孔上出名翹橫吹之今之橫笛是也樂書注

肅雍和鳴先祖是聽周頌有瞽篇

樂書肅肅敬也雍雍和也夫敬以和何事不行集解鄭彖曰言古者樂敬且和故無事而不用溺音無所施也

誘民孔易大正板之篇

集解鄭彖曰誘進也孔甚也言民從君之所好惡進之於善無難也樂書注

作于楚宮

正義時衛都楚邱楚故城在宋州楚邱縣北三十里衛之楚



邱邑也 樂書注

饑饉薦臻 大正雲漢篇

索隱薦音在見反集也字或作荐古字假借用耳 麻書注

維南有箕不可以簸揚 維南有箕載翕其舌 小正大東篇

天官書箕為教客曰口舌 索隱宋均云教調弄也箕以簸

揚調弄為象箕又受物有去去來來客之象也又詩緯云箕

為天口主出氣是箕有舌象讒言也故詩云維南有箕不可

以簸揚又云維南有箕載翕其舌也

維師尚父 大正大明篇

集解劉向別錄曰師之尚之父之故曰師尚父父亦男子之

美號也 索隱譙周云太公望姓姜名牙炎帝之裔伯夷之

後掌四岳有功封之於呂子孫從其封姓呂尚其後也按後

文王得之渭濱云吾先君太公望子久矣故號曰太公望蓋

牙是字尚是名後武王號為師尚父也 齊太公世家注

還之篇 齊風

索隱宋衷曰齊哀公荒淫田游國人作還詩以刺之 同上

甘棠篇 召南

燕召公世家召公之治西方甚得兆民和召公巡行鄉邑有

棠樹決獄聽事其下自侯伯至庶人各得其所無失職者召

公卒而民人思召公之政懷棠樹不敢伐歌咏之作甘棠之



詩正義棠今之棠梨樹也括地志云召伯廟在洛州壽安縣西北五里召伯聽訟甘棠之下周人思之不伐其樹後人懷其德因立廟有棠在九曲城東阜上贊太史公曰召公奭可謂仁矣甘棠且思之况其人乎

太姒嗣徽音則百斯男大正思齊篇

管蔡世家武王同母兄弟十人母曰太姒文王正妃也其長子曰伯邑考次曰武王發次曰管叔鮮次曰周公旦次曰蔡叔度次曰曹叔振鐸次曰成叔武次曰霍叔處次曰康叔封次曰冉季載集解徐廣曰文王之子為侯者十有六國正義列女傳云太姒者武王之母禹後妣氏之女也在洽之陽在渭之涘仁而明道文王嘉之親迎于渭造舟為梁及入旦夕勤勞以進婦道號曰文母文王理外文母治內太姒生十男教誨自少及長未嘗見邪僻之事言常以正道持之也又云伯邑考最長所以加伯諸子中咸言叔以載最少故言季載

商頌

宋微子世家贊襄公之時修行仁義欲為盟主其大夫正考父美之故追道契湯高宗殷所以興作商頌索隱今按毛詩商頌序云正考父於周之太師得商頌十二篇以那為首國語亦同此說今五篇存皆是商家祭祀樂章非考父追作



也又考父佐戴武宣則在襄公前且百許歲安得述而美之  
斯謬甚之說者耳

唐風

晉世家唐叔虞者周武王子而成王弟初武王與叔虞母會  
時夢天謂武王曰予命汝生子名虞予與之唐及生子文在  
其手曰虞故遂因命之曰虞武王崩成王立唐有亂周公誅  
滅唐成王與叔虞戲削桐葉為珪以與叔虞曰以此封若史  
佚因請擇日立叔虞成王曰吾與之戲耳史佚曰天子無戲  
言言則史書之禮成之樂歌之於是遂封叔虞於唐唐在河  
汾之東方百里故曰唐叔虞姓姬氏字子于唐叔子燮是為

晉侯索隱按唐叔以夢及手文而名曰虞至成王誅唐之

後因戲削桐而封之叔字也故曰唐叔虞而唐有晉水至於

燮改其國號曰晉侯然晉初封於唐故稱晉唐叔虞也且唐

本堯後封在夏墟而都於鄂鄂今大夏是也及成王滅唐之

後乃分徙之于許郟之間故春秋有唐成公是也即今之唐

州也正義括地志云故唐城在絳州翼城縣西二十里即

堯裔子所封春秋云夏孔甲時有堯苗裔劉累者以豢龍事

孔甲夏后嘉之賜氏御龍以更豕韋之後龍一雌歿潛醢之

以食夏后既而使求之懼而遷于魯縣夏后召孟別封劉累

之孫于大夏之墟為侯至周成王時唐人作亂成王滅之而



封太叔更遷唐人子孫于杜謂之杜伯即范丐所云在周為唐杜氏是也按魯縣今汝州魯山縣是也今隨州棗陽縣東南一百五十里上唐鄉故城即後子孫徙于唐者 又曰括地志云故鄂州在慈州昌寧縣東二里按與絳州夏縣相近禹都安邑故城在縣東北十五里故云在大夏也然封于河汾二水之東方百里正合在晉州平陽縣不合在鄂所未詳也 又曰括地志云故唐城在并州晉陽縣北二里城記云堯築也國都城記云唐叔虞之子變父徙居晉水傍今并理故唐城唐者即變父初徙之處其城南半入州城中削為坊城牆北半見在毛詩譜云叔虞子變父以堯墟南有晉水改曰晉侯

### 鄆風

楚世家陸終生子六人一曰昆吾二曰參胡三曰彭祖四曰會人五曰曹姓六曰季連 集解世本曰會人者鄭是也索隱系本云四曰求言是為鄆人宋忠曰求言名也姬姓所出鄆國也 正義括地志云故鄆城在鄭州新鄭縣東北二十里毛詩譜云昔高辛氏之土祝融之墟歷唐至周重黎之後妘姓處其地是為鄆國為鄭武公所滅也 鄭世家注虞翻曰鄆妘姓索隱曰鄆妘姓之國也

### 唐風



索隱唐者古國堯之後其君曰叔虞何以知其然據此系家下文云唐人之季代曰唐叔虞當武王邑姜方動太叔夢天帝命而子曰虞與之唐及生有文在手曰虞遂以名之及成王滅唐而國太叔故因以稱唐叔虞杜預亦曰取唐君之名是也鄭世家注

孔子刪詩

孔子世家古者詩三千餘篇及至孔子去其重

正義曰去邱呂反重逐龍

反取可施於禮義上采契后稷中述殷周之盛至幽厲之缺

始於社席故曰關雎之亂以為風始

正義曰亂理也

鹿鳴為小雅始

文王為大雅始清廟為頌始三百五篇孔子皆弦歌之以求

合韶武雅頌之音禮樂自此可得而述以備王道成六藝

關關雎鳩

正義毛傳云雎鳩王雎也按王雎金口鶉也

孔子世家注

天命乎鳥降而生商

索隱有娥國名其女簡狄吞燕卵而生契故詩云天命鳥

降而生商是也

外戚世家注

時維姜嫄

索隱系本云帝嚳上妃有邠氏之女曰姜原鄭彖箋詩云姜

姓嫄名履大人跡而生后稷也同上

赫赫宗周褒姒威之



索隱國語曰幽王伐有褒有褒人以褒姒女焉按褒是國名  
姒是其姓即龍繁之子褒人育而以女於幽王也

元戎十乘以先啟行

小正六月篇

集解韓嬰章句曰元戎大戎謂兵車也車有大戎十乘謂車  
縵輪馬被甲衡軛之上畫有劍戟名曰陷軍之車所以冒突  
先啟敵家之行伍也毛傳曰夏后氏曰鈞車先正也殷曰寅  
車先疾也周曰元戎先良也

三王世家注

言采其蕨

召南草蟲篇

索隱薇蕨也爾疋云蕨蘼也 正義陸璣草木疏云薇山菜  
也莖葉皆似小豆蔓生其味亦如小豆霍可作羹亦可生食

也

伯夷列傳注

月離於畢俾滂沱矣

小正漸石篇

仲尼弟子列傳昔夫子當行使弟子持雨具已而果雨弟子  
問曰夫子何以知之夫子曰詩不云乎月離於畢俾滂沱矣  
昨暮月不宿畢乎

相鼠有體人而無禮人而無禮胡不遄歿

商君列傳趙良謂商君曰君之見秦王也因嬖人景監以為  
主非所以為名也相秦不以百姓為事而大築冀闕非所以  
為功也黷太子之師傅傷殘民以峻刑是積怨畜禍也教之  
化民也深於命民之效上也捷於令今君又左建外易非所



以為教也又南面稱寡人日繩秦之貴公子詩曰相鼠有體人而無禮人而無禮何不過矣以詩觀之非所以為壽也靡不有初鮮克有終

春申君列傳上書說秦昭王曰王若負人徒之眾仗兵革之強乘毀魏之威而欲以力臣天下之主臣恐其有後患也詩曰靡不有初鮮克有終此言始之易終之難也

他人有心予忖度之躍躍覓免遇犬獲之小正巧言篇

春申君列傳上書說秦昭王曰楚國援也隣國敵也詩曰趨趨覓免遇犬獲之他人有心余忖度之今王中道而信韓魏之善王也此正吳之信越也集解韓嬰章句曰趨趨往來

貌獲得也言趨趨之覓免謂獵免數往來逃匿其跡有時遇

犬得之索隱趨天歷反覓音讒

矇眊奏公大正靈臺篇

集解王逸曰矇盲者也屈原傳注

訊予不顧陳風墓門篇

集解李奇曰訊告也索隱訊音信劉伯莊音素對反訊猶

宣也重宣其意也周成解詁音碎賈誼傳注

宛在水中央秦風蒹葭篇

集解張晏曰坻水中小州也同上

于橐于囊



索隱索音托詩傳云大曰橐小曰囊埤蒼云有底曰囊無底曰橐陸賈傳注

整居焦獲小正六月篇

白奴列傳申侯與犬戎共攻殺周幽王於驪山之下遂取周之焦獲而居于涇渭之間侵暴中國正義括地志云焦獲亦名瓠口亦曰瓠中在雍州涇陽縣城北十數里爾正十數周有焦獲是也

天子命我城彼朔方小正出車篇

正義言獫狁既去北方安靜乃築城守之也白奴傳注

薄伐獫狁至于太原小正六月篇

索隱薄伐者言逐出之也衛將軍傳注

執訊獲醜小正采芑篇

正義訊問也醜衆也言執其生口問之知虜處獲得衆類也

同上

洵美且都鄭風有女同車篇

集解郭璞曰都猶姣也司馬相如傳相如之臨邛從車騎

雍容閒雅是都

弋言加之鄭風女曰雞鳴篇

司馬相如傳雙鶴下兮鶴加集解郭璞曰詩云弋言加之是也正義言弋雙鶴既下又加兮鶴之上也



成是貝錦 小正卷伯篇

正義毛詩蟲魚疏云貝水之介蟲大者名蚌音下郎反小者為貝其白質如玉紫點為文皆成行列最大者徑一尺小者七八寸今九真交趾以為杯盤寶物也貨殖傳云貝寶龜是司馬相如傳注

宛在水中坻 秦風蒹葭篇

正義坻音遲水中沙微起出水者也 同上

肅肅鶉羽 唐風鶉羽篇

集解郭璞曰鶉似鴨而大長頸赤目紫紺色也 索隱鶉音保郭璞云似雁而無後趾毛詩鳥獸疏云鶉似雁而虎文也

同上

終朝采綠 小正采綠篇

正義綠爾正作萊一名王芻蓐也今呼為鷓脚沙 同上

佼人僚兮 陳風月出篇

索隱佼通作姣僚通作僚郭璞云姣好也方言云自關而東河濟之間凡好謂之姣音絞 同上

伐檀篇 魏風

索隱張揖曰其詩刺賢者不遇明主 同上

君子樂昏受天之祜 小正桑扈篇

索隱言王者樂得賢才之人使之在位故天與之福祿也昏



音先呂反 同上

溥天之下莫非王土率土之濱莫非王臣 小正北山篇

司馬相如難蜀父老詩不云乎普天之下莫匪王土率土之濱莫非王臣是以六合之內八方之外浸尋衍溢懷生之物有不浸潤於澤者賢君恥之

大雅

司馬相如傳贊大雅言王公大人而德逮黎庶 集解韋昭曰先言王公大人之德後乃及衆庶也 索隱張揖曰謂文王公劉在位大人之德下及衆民者也

小雅

司馬相如論贊小正譏小己之得失其流及上 集解韋昭曰小正之人材志狹小先道己之憂苦其流乃及上政之得失也 索隱張揖曰已詩人自謂也已小有得失不得其所作詩流言以諷其上也故詩緯云小正譏已得失及之於上也

小雅大雅

司馬相如上林賦揜羣雅 集解漢書音義曰羣雅謂大正小正也 索隱張揖曰詩小正之材七十四人大正之材三十一人故曰羣正也

關雎篇



儒林列傳序周室衰而關雎作

胡取禾三百困兮魏風伐檀篇

正義說文云圓者謂之囿方者謂之廩龜策傳注

命程伯休父大正帝武篇

太史公自序昔在顓頊命南正重以司天北毛板作火正黎以司

地索隱按張晏云南方陽也火水配也水為陰故命南方正

重司天火正黎魚地職臣瓚以為重黎氏是司天地之官司

地者宜曰火正古文作北字非也揚雄譙周然以為然按國

語黎為火正以淳曜敦敦大光照四海又幽通賦云黎淳曜

於高辛則火正為是也唐虞之際紹重黎之後使復典之至

于夏商故重黎氏世序天地其在周程伯休甫其後也索隱

按重司天而黎司地是代序天地也據左氏重是少昊之子

黎乃顓頊之脩二氏二出所出各別而史遷意欲合二氏為

一故總云在周程伯休甫其後非也然後按彪之序及于寶

皆云司馬氏黎之後是也今總稱伯休父是重黎之後者凡

言地即舉天稱黎則兼重自是相對之文其實二官亦通職

然休甫則黎之後也亦是太史公欲以史為己任故言先代天

官所以兼稱重耳集解應劭曰封為程國伯休甫者其字

也正義括地志云安陵故城在雍州咸陽縣東二十一里

周之程邑也



周南

集解徐廣曰摯虞云古之周南今之洛陽 索隱張晏云自  
陝以東皆周南之地也太史公自序

右詩

春秋祭酺亦如之地官族師

史記集解服虔曰酺音蒲蘇林曰陳留俗三月上巳水上飲

食為酺 史記正義天下歡樂大飲酒為大酺 秦始皇本紀

注

銜枚氏掌司囂 秋官銜枚氏

集解鄭子曰銜枚止言語囂謹也枚狀如箸橫銜之繡結於

項者 高祖本紀注

以九儀辨諸侯之命 秋官大行人

史記索隱周禮大行人別九賓謂九服之賓客也列士傳云

設九牢也 蘭相如傳注

大行人之職

索隱韋昭云大行掌賓客之禮今謂之鴻臚也 叔孫通傳注

以九儀辨諸侯之命

索隱史傳皆云九賓九賓即周禮九儀謂公侯伯子男孤卿

大夫士也 同上

以五聲聽獄訟求民情 秋官小司寇



索隱言以五聲聽察微理以決疑獄也五聲辭色氣耳目也  
循吏傳注

右周禮

尸三飯告飽祝侑特牲饋食禮 史記侑作宥

禮書三宥之弗食也 索隱禮祭必立宥以勸尸食至三飯  
而後止每飯有宥一人既是勸尸故不相食也

祝告利成同上

禮書利爵弗啐也 索隱按儀禮祭畢獻祝西面告成是為  
利爵祭初未行無算爵故不啐入口也

散帶垂長三尺士喪禮

索隱散麻取其質無文飾亦貴本也禮書注

公揖退于箱公食大夫禮

集解韋昭曰殿之東堂為東箱殿之西堂為西箱 索隱小  
顏云正寢之東西室皆號曰箱言似箱篋之形也 周昌傳注

出如舒雁聘禮記

索隱爾疋云舒雁鵝也郭璞曰鵝名舒雁記云出如舒雁是  
也司馬相如傳注

右儀禮

蛾子時術之學記

史記正義蛾音魚起反又音旁旁音直氏反 五帝本紀



鬼神之為德中庸

正義聖人之精氣謂之神賢人之精氣謂之鬼五帝本紀注  
冥勤其官而水死祭法

殷本紀契卒子昭明立昭明卒子相土立相土卒子昌若立  
昌若卒子曹圉立曹圉卒子冥立集解宋衷曰冥為司空  
勤其官事死於水中殷人郊之索隱禮曰冥勤其官而水  
死殷人祖契而郊冥也

文王九十七乃終武王九十三而終文王世子

正義尚書武成篇云我文考文王誕膺天命以撫方夏惟九  
年大統未集泰誓篇序云惟十有一年武王伐殷太誓篇云

惟十有二年春大會於孟津大戴禮云文王十五而生武王

則武王少文王十四歲矣禮記文王世子云文王九十七而

終武王九十三而終按文王崩時武王已八十三矣八十四

歲即位至九十三歲而崩武王即位適滿十年言十三年伐

紂者續文王受命之年欲明其卒父業故也金縢篇云惟克

商二年王有疾弗愈按文王受命九年而崩十一年武王服

闕觀兵孟津十三年克紂十五年有疾周公請命王有瘳後

四年而崩則武王年九十三矣而太史公云九年王觀兵十

一年伐紂則以為武王即位年數與尚書違甚疎矣集解

皇覽云文王武王周公冢皆在京兆長安鎬聚東杜中正



義括地志云周文王武王墓皆在雍州萬年縣西南二十八里畢原上又云諡法經緯天地曰文克定禍亂曰武周本

紀注

武王克殷及商未及下車而封黃帝之後於薊樂記

集解地理志燕國有薊縣周本紀注

封帝堯之後於祝同上

正義左傳云祝其實夾谷杜預云夾谷即祝其也服虔云東

海郡祝其縣也周本紀注

封帝舜之後于陳同上

正義括地志云陳州宛邱縣在陳城中即古陳國也帝舜後

過父為周武王陶正武王賴其器用封其子媯滿於陳都宛

邱之側周本紀注

下車而封夏后氏之後於杞同上

正義括地志云汴州雍邱縣古杞國地理志云古杞國理此

城周武王封禹後於杞號東樓公二十一代為楚所滅周本

紀注

太公封於營邱檀弓上

周本紀封師尚父於營邱曰齊集解爾正曰水出其前而

左曰營邱郭璞曰今齊之營邱淄水過其南乃東正義水

經注今臨淄城中有邱云古營邱之地呂望所封齊之都也



魯邱在縣北百步外城中輿地志云秦立為縣城臨淄水故曰臨淄也周本紀注

成王以周公為有勳勞於天下是以封周公於曲阜明堂位  
周本紀武王封弟周公旦於曲阜曰魯集解應劭曰曲阜在魯城中委曲長七八里正義帝王世紀云炎帝自陳營都於曲阜黃帝自窮桑登帝位後徙曲阜少昊邑於窮桑以登帝位都曲阜顓頊始都窮桑徙商邱窮桑在魯北或云窮桑即曲阜也又為大庭氏之故國又是商奄之地皇甫謐云黃帝生於壽邱在魯城東門之北居軒轅之邱窮桑之際是也括地志云兗州曲阜縣外城即周公旦子伯禽所築古魯城也

固封疆

月令

按鄭注云疆今或作璽

集解璽者印信也天子璽白玉螭虎紐古者尊卑共之月令曰固封璽左傳曰季武子璽書追而與之此諸侯大夫印稱璽也衛宏曰秦以前民皆以金玉為印龍虎紐惟其所好秦以來天子獨以印稱璽又獨以玉羣臣莫敢用始皇本紀注  
古者以周尺八尺為步今以周尺六尺四寸為步王制

集解譙周曰步以人足為數非獨秦制然索隱管子司馬法皆云六尺為步譙周以為步以人足非獨秦制又按王制云古者八尺為步今以周尺六尺四寸為步步之尺數亦不



同同上

刑人於市與衆棄之

集解臣瓚曰秦法偶語經書者棄市索隱今律謂絞刑為

棄市高祖本紀注

夏道尊命至賊而蔽表記

高祖本紀贊夏之政忠忠之敝小人以野故殷人承之以敬

敬之敝小人以鬼故周人承之以文文之敝小人以僂故救

僂莫若以忠三王之道若循環終而復始集解鄭子曰忠

質厚也野少禮節也鬼多威儀如事鬼神也僂徐廣曰一作

薄鄭子曰文尊卑之差也薄苟習文法無惻誠也

搢笏內則

索隱搢挺也言挺笏於紳帶之間今作薦者古字假借耳漢

書作縉紳臣瓚曰縉赤白色非也孝武本紀注

夫子曰嘻其甚也檀弓上

索隱史記紂為象箸而箕子唏唏嘆聲音許既反又音希希

亦聲餘故記曰夫子曰嘻其甚也亦餼音也十二諸侯年表

注

大路素而越席禮器

集解服虔曰大路祀天車也越席結括草以為席也王肅曰

不緣也正義按括草蒲草越戶括反禮書注



太羹不和 同上

集解鄭子曰太羹肉清不調以鹽菜也 同上

車不彫鏤

索隱彫謂彫飾也言彫飾是奢侈之弊也 同上

別子為祖繼別為宗繼稱者為小宗有百世不遷之宗有五世

則遷之宗大傳

禮書大夫士有常宗

諸侯不敢祖天子

禮書諸侯不敢懷 索隱懷思也言諸侯不敢思以太祖配

天而食也又一解云王之子孫為諸侯不思祀其父祖故禮

云諸侯不敢祖天子蓋與此同意 禮書注

諸侯為百姓立社曰國社諸侯自為立社曰侯社大夫以下成

羣立社曰置社祭法

禮書社至于諸侯函及士大夫 索隱言天子已下至諸侯

皆得立社函音含謂包含言諸侯已下至士大夫亦得祭社

故禮云大夫成羣立社曰置社亦曰里社也

其祀竈 月令

索隱如淳云祀竈可以致福按禮竈者老婦之祭威於盆尊

於瓶說文周禮以竈祀祝融淮南子炎帝作火官成為竈神

司馬彪注莊子云浩竈神也如美女衣赤孝武本紀注



玄酒以祭 禮運

正義皇侃云玄酒水也上古未有酒而始之祭但酌水用之

至晚世雖有酒存古禮尚用水用代酒也 禮書注

齊戒以告鬼神 曲禮上

索隱曲禮云齊戒以告鬼神是昏禮有齊也蓋在父親醮子

而迎之前同上

卒哭曰成事 檀弓下

禮書成事俎弗嘗也 索隱成事卒哭之祭故記曰卒哭曰

成事既是卒哭始從吉祭故受胙爵而不嘗俎也

朱弦而疏越 樂記

索隱大瑟而練朱其弦又通其下孔使聲濁且遲上質而賈

本不取其聲也 禮書注

凡音之起由人心生也 以下並樂記

正義皇侃云此章有三品故名為樂本備言音聲所起故名

樂本夫樂之起其事有二一是人心感樂樂聲從心而生一

是樂感人心心隨樂聲而變也 以下並樂書注

人心之動物使之然也

正義物者外境也外有善惡來觸於心則應觸而動故云物

使之然也

感於物而動故形於聲



集解王肅曰物事也謂哀樂喜怒和敬之事感人而動見於聲

聲相應故生變

正義崔靈恩云緣五聲各自相應不足為樂故變使雜令聲音諧和也

變成方謂之音

正義皇侃云單聲不足故變雜五聲使交錯成文乃謂為音也

比音而樂之及于戚羽毛謂之樂

正義比音鼻次也音五音也言五音雖雜猶未足為樂須次比器之音及文武所執之物共相諧會乃是由音得名為樂武陰文陽故所執有輕重之異

樂者音之所由生也

正義合樂音乃成樂是樂由音而生諸樂生起所由之生也其哀心感者其聲唯以殺

索隱唯音焦鄒誕生音將妙反 正義殺所介反此下六者

皆人君見前境來感已而制樂音隨心見之也

其怒心感者其聲粗以厲

正義若外境乖失故已心怒謂怒隨心隨怒而發揚故無輟破則樂聲粗強而嚴厲也



其敬心感者其聲直以廉

正義廉隅也若外境尊高故己心悚敬悚敬在內則樂聲直而有廉角也

其愛心感者其聲和以柔

正義和軟也若外境憐慕故己心愛惜愛惜在內則樂和柔也

政以一其行

正義行胡孟反

所以同民心而出治道也

正義上四事功成民同其心俱不邪僻故治道出也民心所觸有前六者不同故聖人用後四者制之

凡音者生人心者也

正義此樂本章第二段明樂感人心也人心即君人心也樂音善惡由君上心之所好故云生於人心者也

情動於中故形於聲

正義情君之情也中猶心也心既感物而動故形見於聲也聲成文謂之音

正義謂之音清濁雖異各見於外成於文彩然謂之音也其政乖

集解徐廣曰乖一作煩



亡國之音哀以思

正義思音四

宮為君

集解王肅曰居中總四方

索隱宮絃最大用八十一絲聲

重而尊故為君

商為臣

集解王肅曰秋義斷

索隱商是金金為決斷臣事也絃用

七十二絲次宮如臣次君者也

角為民

集解王肅曰春時物各生各以區別民之象也

索隱絃

用六十四絲聲居宮羽之中比君為劣比物為優故云清濁

中人之象也

徵為事

集解王肅曰夏物盛故事多

索隱徵屬夏夏時生長萬物

皆成形體事亦有體故配事絃用絲五十四也

羽為物

集解王肅曰冬物聚

索隱羽為水最清物之象故為物絃

用四十八絲

商亂則跛其政壞

索隱跛音跛

正義商音亂其聲歌邪不正由其臣不理於



官壞故也

如此則國之滅亡無日矣

索隱無日猶言無復一日也以言君臣凌慢如此無復一日也則國之滅亡朝夕可待無復日也

比於慢矣

正義比必以反

誣上行私而不可止也

正義若用此濮上之音其政必離散而民人流徙逃亡緣臣無上各行私情國即滅亡而不可禁止也

凡音者生於人心者也

正義此樂本章第三段也前第一段明人心感樂第二段明樂感人心此段聖人制正樂以應之然此段又有二重自凡音至反人道為一重却應第二段樂感人心也又自人生而靜至王道備矣為一重却應第一段人心感樂也

樂者通倫理者也

正義音初生自君心形而成樂樂成則能通於百姓使各盡其類分故曰通倫理者也

是故審聲以知音審音以知樂審樂以知政而治道備矣

正義聲為音本若欲知音當須審定其聲然後可知音音為樂本先審定其音然後可知樂樂為政本先審定其樂然後



政可知先審定其本後識其末則為治之道乃可備矣  
知樂則幾於禮矣

正義禮謂治國之禮包萬事萬事備具始是禮極今知樂者  
但知正君臣民事物五者之情於禮未極故云幾於禮也  
禮樂皆得謂之有德德者得也

正義若聽樂而知禮則是禮樂皆得二者備具則是有德之  
君也又言有德之人是能得禮樂之情故云德者得也  
是故樂之隆非極音也

正義大樂之盛本在移風易俗非窮鐘鼓之音故云非極音  
也故論語樂云樂云鐘鼓云乎哉是也

食饗之禮非致味也

正義食饗謂宗廟祭也夫禮之盛本在安上治民非崇玉帛  
至味故論語禮云禮云玉帛云乎哉是也

清廟之瑟朱絃而疏越壹倡而三歎有遺音者矣

集解王肅曰於清廟中所鼓之瑟遺音謂未盡音之極 正  
義倡音唱一倡謂一人始唱歌三嘆謂三人讚嘆也樂歌此  
文王之道不極音聲故但以熟絃廣孔少倡寡和此音有德  
傳於無窮是有餘音不已一云所重在德本不在音是有遺  
餘音念之不忘也

大饗之禮



正義大饗即食饗也變食言大崇其名故也不尚重味故食言大也此言禮威不作至味之事

尚玄酒而俎腥魚

正義禘祭之禮則列於尊在上五齊在下九俎有肴生腊是俎腥魚者生魚也俎雖有三牲而兼載生魚也

太羹不和

正義太羹肉汁也禘祭有肉汁為羹無鹽菜之芼和也有遺味者矣

正義此皆質素之食禮人主誠設之道不極滋味故尚明水而俎腥魚此禮可重流芳竹帛傳之無已有餘味一云禮本在德不在甘味故用水魚而遺味也

是故先王之制禮樂也非以極口腹耳目之欲也將以教民平好惡而人道之正也

正義好火到反惡一故反平均也言先王制禮作樂本是教訓澆民平於好惡之理故去惡歸善不為口腹耳目之欲令反歸人之正道也

人生而靜天之性也

正義此第三段第二重也

物至知知然後好惡形焉

集解王肅曰事至能以智知之然後情之好惡見 正義上



知字音智

好惡無節於內知誘於外不能反躬天理滅矣

集解王肅曰內無定節智為物所誘於外情欲之動而失其天性正義言好惡不自節量於心惟知情欲誘之於外不能反還已躬之善則天性滅絕矣

夫物之感人無窮而人之好惡無節則是物至而人化物也

集解鄭玄曰隨物變化正義夫物不一故言無窮也若人心嗜慾無度隨好惡不能節之則與之而化故云人化物人化物也者滅天理而窮人欲者也

正義心隨物化則滅天性而恣人心之欲也

人為之節

集解王肅曰以人為之節言得其中也

衰麻哭泣所以節喪紀也

正義此以下皆是陳禮節人之事也制五服哭泣所以紀喪事之節而不使背死忘生也事死者難故以哭泣為先也

樂者為同禮者為異

正義此第二章名為樂論其中有四段此段論禮樂同異也夫樂使率土合和是為同也禮使父子殊別是為異也

樂勝則流禮勝則離

集解王肅曰流遁不能自還離析而不親正義勝式證反



猶過也言禮樂雖有同異而又相須也

樂文同則上下和矣

正義文謂聲成文也若作樂而文采諧同則上下和是樂和民聲也

好惡著則賢不肖別矣

正義好惡然去聲又然如字若法律分明善惡章著則賢愚斯別是政化行矣

刑禁暴爵舉賢則政均矣

正義王者為用刑則禁制暴慢疏爵以舉賞賢良則政治均平是刑以防之矣既是禁暴而又言舉祿者示刑最為重不宜頻行必須賞罰兼明也然禮樂之化非政不行明須四事連行也

仁以愛之義以正之如此則民治行矣

正義言禮樂刑政既均又須仁以愛民義以正民如此則民順理正行矣

樂由中出

正義此樂論第二段謂樂功也出猶生也為人在中和有未足故生此樂也

禮自外作

正義作猶起也為人在外敬有未足故起此禮也



樂由中出故靜

正義樂和心在內故云靜

禮自外作故文

正義文猶動也禮肅人貌貌在外故云動

樂至則無怨禮至則不爭

正義至猶達也樂行主和和達則民無復怨怒也禮行主謙

謙達則民不爭競也

合父子之親

正義前云禮至不爭故致天下尊卑之序也禮使父慈子孝是合父子之親也即父事三老也

明長幼之序

正義長坐幼立是明長幼之序即凡事五更也

以敬四海之內

正義孝經云教以孝所以敬天下之為人父教以弟所以敬天下之為人兄教以臣所以敬天下之為人君即是敬四海之內也

天子如此則禮行矣

正義言天子能躬行禮則臣下必用禮如此則禮行矣合父子以下悉自天子自身行之也

大樂與天地同和



正義此樂論第三段論禮與樂惟聖能識也言天地以氣氤  
氳合生萬物天樂之理順陰陽律呂生養萬物是大樂與天  
地同和也

大禮與天地同節

正義言天有日月地有山川高卑互形生用各別大禮辨尊  
卑貴賤等差異別是大禮與天地同節也

和故百物不失

正義樂與天地同和能生成萬物故不失其性

節故祀天祭地

正義禮與天地生成同節有尊卑上下報萬物之功

明則有禮樂

正義明猶外也言聖王能使樂與天地同和禮與天地同節  
又能顯明其禮樂以教人也

幽則有鬼神

正義幽猶內也言聖王又能內敬鬼神助天地生成萬物也  
如此則四海之內合敬同愛矣

正義言行禮同節故四海合敬矣行樂同和故四海同愛矣  
禮者殊事合敬者也

正義尊卑貴賤之別是殊事也施之同以莊敬是合敬也  
樂者異文合愛者也



正義宮商錯而成文隨事而制變是異文也施之同以歡愛是合愛也

故事與時也

集解王肅曰有其時然後得立其事

名與功偕

集解王肅曰有功然後得受其名

故鐘鼓管磬羽籥干戚樂之器也

正義此陳樂事也鐘鼓之屬是樂之器有形質故為事也

綴兆舒疾

史記綴作級

索隱徐廣曰級今禮作綴綴舞者鄙列也又按下文其舞行

及遠及短禮皆作綴蓋是字之殘缺訛變耳故為此級而下

又為及也然也依字讀義亦相通恐違古記耳

樂之文也

正義文飾之事也

樂者天地之和也禮者天地之序也

正義此樂論第四段也謂禮樂之情也樂法天地之氣故云

天地之和禮彰天地之形故云天地之序禮樂從天地而來

王者必於天地然後能興起禮樂也

樂由天作禮以地制

正義天用和氣化物物從氣化是由天作也地有高下區分



以生萬物禮有品節殊文是由地制也

明於天地然後能興禮樂也

正義禮樂既不可誤故須明天地者乃可制作也

論倫無患樂之情也

集解王肅曰言能合道論中倫理而無患也 正義既云唯

聖人識禮樂之情此以下更說其情狀不同也倫類也賀瑒

云樂使物得類序而無害是樂之情也

中正無邪禮之質也

正義明禮情也質本也禮以心內中正無有邪僻是禮之本

莊敬恭順禮之制也

正義明禮情之事也謂容貌莊敬謙恭謹順是禮之節制也

若夫禮樂之施於金石越於聲音用於宗廟社稷事乎山川鬼

神則此所與民同也

集解王肅曰自天子至民人皆貴禮之敬樂之和以事鬼神

先祖也 正義言四者施用祭祀隨世而異則前王所不專

故文云則此所以與民同言隨世也

王者功成作樂治定制禮

正義此第三章名樂禮章言明王為治制禮作樂故名樂禮

章其中有三段一明禮樂齊其用必對二明禮樂法天地之

事三明天應禮樂也



其功大者其樂備其治辯者其禮具

集解徐廣曰辯一作別 正義辯皮勉反又邊練反夫禮樂必由功治有大小故禮樂應之而廣狹也若上世民淳易化故王者功治廣徧是以禮樂備也而殷周民澆難化故王者功治徧狹則禮樂亦不具

干戚之舞非備樂也

正義證樂不備也干戚周武也樂以文德為備故用朱絲疏越干戚之舞故非備樂也

孰亨而祀非達禮也

正義解禮不具也謂腥俎多尊表誠象古而已不在芬苾孰味是乃澆世為之非達禮也

五帝殊時不相沿樂三王異世不相襲禮

正義庾蔚之云樂興於五帝禮成於三王樂興王者之功禮隨世之質文崔靈恩云五帝淳澆不同故不得相沿為樂三王文質不等故不得相襲為禮

天高地下萬物散殊而禮制行矣

正義天高於上地卑於下萬物布散殊別於其中而大聖制禮別異尊卑是衆大而行故云禮制行矣禮以節制為義故云禮制也

流而不息合同而化而樂興焉



正義天地二氣流行不息合同氤氲化生萬物而大聖作樂合同人心是以象天地而起故云樂興也

仁近於樂義近於禮

正義春夏生長萬物故為仁愛樂主陶和萬性故仁近於樂也秋則殺斂冬則蟄藏是義義主斷割禮為節限故義近於禮也

樂者敦和率神而從天

正義此釋仁近樂之由言樂之為體敦厚和同因循聖人之神氣而從順於天

禮者別宜居鬼而從地

正義此釋義近禮之由居鬼猶循神也鬼謂先賢也禮之為體尊卑殊別各有其宜因居先賢鬼氣而從順於地分別禮分

天地官矣

集解王肅曰各得其位也

天尊地卑君臣定矣

正義此樂禮章第二段也明禮樂法天地之事也言君尊於上臣卑於下是象天地定矣

則性命不同矣

正義性生也萬物各有嗜好謂之性命者長短壽夭也所祖



之物既稟大小之殊故性命夭壽不同也

在天成象在地成形

正義言日月星辰之光曜草木鳥獸之體貌也

如此則禮者天地之別也

正義結禮之別也此天地明聖制禮殊別是天地之分別也亦別辯宜居鬼而後地也

地氣上齊天氣下降

正義明禮樂法天地之氣也天地二氣之升降合而生物故樂以氣法地弦歌聲氣升降相合以教民也然氣從下升此樂象氣故從地始也形以上尊故禮象形從天始也

陰陽相摩

正義二氣切磨而萬物生發作樂亦令聲氣切磨使民心生敬也

天地相蕩

正義天地八節蕩動也天地化物八節更相感動作樂亦令八音相感動也

鼓之以雷霆

正義萬物雖以氣生而物未發故雷霆以鼓動之如樂用鐘鼓以發節也大雷曰霆

奮之以風雨



正義萬物皆以風雨奮迅而出如樂用舞奮迅以象之使發人情也

動之以四時

正義萬物生長隨四時而動如樂各逐心內所須而奏之也  
煖之以日月

正義煖音喧遠反萬物之生必須日月煖照如樂有蘊藉使人喧昭也蘊藉者歌不直言而長言嗟嘆之屬也

如此則樂者天地之和也

正義結樂之和也如此有聖人作樂法天地和同是樂者天地之和也亦是執和率神而從天地也

化不時則不生

正義此樂禮章第三段明天地應於禮樂也前聖人既作禮樂此明天地應樂也若人主行化失時天地應以惡氣毀物故云化不時則不生也

男女無辯則亂升

正義此明天地應禮也升成也若人君行禮男女無別則天地應而錯亂成之也

天地之情也

正義結隨禮得失而應之是天地之情也然樂是氣化故云害物禮是形教故言亂人也



行乎陰陽而通乎鬼神

正義言陰陽和四時順以應禮樂禮樂與鬼神並助天地而成化也

樂著太始而禮居成物

集解王肅曰著明也明太始謂法天也成物謂地也居亦謂地也 索隱著明也太始天也言樂能明太始是法天也地能成萬物故成物謂地也居亦法也言禮法地也 正義著猶處也天為萬物之始故曰太始天蒼而氣化樂亦氣化故云處太始也成物地也體盤薄長成萬物也在地成形禮亦形教故云居成也地卑故曰居地天高故曰著也

著不息者天也著不動者地也

索隱運生不息者天之功也故易乾卦云天行健君子以自強不息也著養萬物不動者地之德也故易坤卦云安貞之吉是也 正義此美禮樂配天地也著亦處也言樂氣處運生不息者配天也禮制尊卑定位成養萬物處不移動者配地也

一動一靜者天地之間也

正義此美禮樂若分則配天地若合則與百物齊一也靜動而生萬物稟天動地靜而生故呼百物為天地之間也

故聖人曰禮樂云



正義引聖言證此章也言聖人云明此一章是禮樂法天地也故言聖人曰禮云樂云樂動禮靜其然用事如天地間物有動靜也

昔者舜作五弦之琴以歌南風

集解王肅曰南風育養民之詩也其辭曰南風之薰兮可以解吾民之愠兮 索隱此詩之辭出尸子及家語 正義此第四章名樂施明禮樂前備後施布天下也中有三段一明施樂以賜諸侯也二明樂施須節既賜之所以宜節也三明禮樂所施各有本意本德世本神農作琴今云舜作者非謂舜始造也改用五弦琴特歌南風詩始自舜也五弦者無文武二弦惟宮商角徵羽之五弦也南風是孝子之詩也南風養萬物而孝子之歌也得父母生長如萬物得男風也舜有孝行故以五弦之琴歌南風詩以教理天下之孝也

德盛而教尊五穀時熟然後賞之以樂

正義陳其合賞也若諸侯孝德明威教化尊嚴年穀豐稔故天下賞樂也天下因而法之也

故其治民勞者其舞行綴遠其治民逸者其舞行綴短

兩綴

字史記然作綴

集解遠以象民行之勞近以象民行之逸 正義行音胡郎反綴音下衛反本或作綴音同此明雖得樂賜而隨功德優



劣也舞位行列也綴謂續列也若諸侯治民勞苦由君德薄  
王賞之以樂則舞人少不滿將去續列疏遠者也若諸侯治民  
暇逸由君德盛王賞舞人多則滿將去續列促近也庾蔚之云  
此為虞夏禮也虞猶淳故可隨功賜樂殷周漸淺澆易生忿怨  
不宜猶有優劣是以同制諸侯六佾故與周禮不同也  
故觀其舞知其德

正義觀其舞位人多少去綴近遠即知其君德薄厚也  
聞其謚知其行也

正義行音故孟反制歿謚隨君德故聞歿謚則知其生行此  
一句比擬其舞也

大章章之也

正義既生時舞則知德歿則聞謚驗行故更引歿後聞樂則  
知行事解之也大章堯樂也章明也民樂堯德大明故名樂  
曰大章後人聞大章則知堯生時德大明上章是堯德之明  
下章是後明於堯德白虎通云大章大明天地之道

咸池備矣

集解王肅曰包容浸潤行化皆然故曰備也

天地之道寒暑不時則疾

正義此則樂施章第二段明施樂須節也既必須節故引譬  
例寒暑天地之氣也若寒暑不時則民多疾疫也



風雨不節則饑

正義風雨天事也風雨有聲形故為事也若飄灑淒厲不有時節則穀損民饑也

教者民之寒暑也教不時則傷世

正義寒暑不時既為民疾苦樂教不時則傷世俗之化也事者民之風雨也事不節則無功

正義風雨不節則民飢饉禮事不節則治無功也

然則先王之為樂也以法治也

集解王肅曰作樂所以法其治行也

善則行象德矣

集解王肅曰君行善即臣下之行皆象君之德 正義此廣

樂所以須節已言先王為樂必以法治治善則臣下之行皆象君之德也

夫黍豕為酒非以為禍也

正義此言禮須節也黍養也言前王黍犬豕及作酒之事本以為禮祀神祇設賓客和親族禮賢能而實非為民作禍災也

而獄訟益煩則酒之流生禍也

正義此禮事也言民得黍酒無復節限卒至沉酗鬥爭殺傷而刑獄益生煩多則是酒之流害生其禍也



故酒食者所以合歡也

正義此結節功也既防酒禍故飲不醉爭以時合歡適也  
樂者所以象德也

正義此樂施章第三段明禮樂之所施各有本意在於象德也此言樂意也言樂之所施於人本有和愛之德  
禮者所以綴淫也

正義此言禮意也言禮之所施於人大止邪淫過失也  
是故先王有大事必有禮以哀之

正義民有喪則先王制哀麻哭泣之禮以節之使其各遂哀情是禮以哀之也

有大福必有禮以樂之

正義樂音洛大福祭祀者慶也民慶必歌舞飲食庶羞之禮使不過而各遂歡樂是有以樂之也

哀樂之分皆以禮終

正義分扶問反結二事哀樂雖反皆用禮樂各終其分故云皆以禮終

樂也者施也禮也者報也

正義施式豉反此第六段樂象法章第五段不以次第而亂升在此段明禮樂用別也庾蔚之云樂者所以宣暢四氣導達情性功及物而不知其所報即是出而不反所以謂施也



禮者所以通彼之意故有往必有來所以謂報也  
樂樂其所自生

正義此廣施也樂名所起由民下之心所樂生非有所報也  
禮反其所自始

正義此廣報也反猶報也禮生無名但是事耳隨時得質文  
之事而報之

樂章德禮報情反始也

集解孫炎曰作樂者緣民所樂於己之德若舜之民樂其韶  
堯也周之民樂其伐紂而作韶武也制禮者本已所由得民  
心殷尚質周尚文是也 正義聞名知德若大章是也禮報  
人情而制隨質文之始也

所謂大輅者天子之車也

正義此以下廣言禮以報為體之事也大輅天子之車也諸  
侯朝天子修其職貢若有勲勞者天子賜之大輅也

龍旂九旒天子之旌也

正義庾蔚之云龍旂九旒上公之旌

青黑緣者天子之寶龜也

史記寶作葆

集解公羊傳曰寶龜青緣何休云緣甲頰也千歲之龜青頰  
明於吉凶也 索隱葆與寶同史記多作此字 正義緣以  
絹反



從之以牛羊之羣則所以贈諸侯也

正義合結上諸事皆是天子送諸侯禮也言五等諸侯朝畢及去天子贈之大輅龍旂寶龜又送之以牛羊之羣也樂也者情之不可變者也

正義此第七章明樂之情與之符達鬼神合而不可變也中  
有三段一明禮樂情達鬼神也二證禮樂達鬼神之事三明  
識禮樂之本可尊也前第六章明象象必見情故以樂主情  
樂變則情變故云情之不可變也

禮也者理之不可易者也

正義禮主事理別也故云事之不可易者也

樂統同

正義解情不變也統領也同和合之情者也

禮辨異

正義解事不可易也禮別於尊卑之事也

禮樂之說管乎人情矣

史記管作貫

正義貫猶通也言人情莫過於同異而禮樂能統同辨異故  
其說理能通人情

窮本知變樂之情也

正義庾蔚之云樂能通和性分使各不失其所是窮自然之  
本也使人不失其所守是知變通之情也



著誠去偽禮之經也

正義著竹慮反去邱呂反著明也經常也著明誠信違去詐偽是理之常行也

達神明之德

正義達通也禮樂不失則天降甘露地出醴泉是通於神明之德也

降興上下之神

正義樂六變天神下八變地祇出是降興上下之神也是故大人舉禮樂則天地將為昭焉

正義為丁偽反昭音照此樂情章第二段明禮樂能通達鬼神之事前既云能通鬼神此明其事也聖人與天地合德故舉禮樂為教而天地從之大明也

天地訢合陰陽相得

正義訢喜也合猶蒸也禮樂化行故天氣下地氣蒸合陰陽交會故相得也論體謂之天地論氣謂之陰陽也

區萌達

正義區音勾草木據其成體之茂區萌據其新牙故曰達達猶出也菽豆之屬直出曰萌稻稷之屬也

羽翼奮角觫生

索隱牛羊有觫曰角無麋鹿無觫曰觫 正義觫加客反羽



翼鳥也角觫獸也鳥獸得天地覆育煦嫗故飛者則奮翅翮走者則生角觫也

蟄蟲昭蘇

正義蟄蟲得陰陽煦嫗故皆出地上如夜得曉如死更有氣也

羽者嫗伏毛者孕鬻

正義伏房富反羽鳥也毛獸也二氣既交萬物生乳故鳥生卵嫗伏之獸懷孕而生育之者也

胎生者不殞而卵生者不殞

正義殞音讀殞音呼覓反胎生獸也卵生鳥也懷任在內而

死曰殞卵生不成子曰殞令和氣不殞殞也則樂之道歸焉耳

集解孫炎曰樂和陰陽故歸此也 正義庾蔚之云此論天地二氣萬物各得其所乃歸於樂耳

樂者非謂黃鐘大呂弦歌干揚也

索隱鄭子曰干楯也揚鉞也則揚與錫同皇侃以揚為舉恐非也 正義此樂情章第三段明識禮樂本者為尊末者為卑黃鐘大呂之屬故云非謂也揚舉也謂舉楯以為舞也樂之末節也

正義黃鐘已下是樂之末節也



故童者舞之

正義末事易之不足貴重故使童子小兒舞奏之也  
布筵席陳尊俎列籩豆以升降為禮者

正義此亦明末也用禮之本在著誠去偽安上理民不在鋪  
筵席尊俎升降為禮之事也

禮之末節也

正義布筵以下是禮之末節也

故有司掌之

正義有司典禮小官也末節事易解不為可重故小官掌其  
事也

樂師辨乎聲詩故北面而弦

集解但能別聲詩不知其義故北面而弦 正義此更引事  
證樂師曉樂者辨別聲詩聲謂歌也言樂師雖能別歌詩然  
是末事故北面言坐處卑也

宗祝辨乎宗廟之禮故後尸

正義此禮事也宗祝太祝即有司之屬也雖能分別正宗廟  
之禮然佐於尸而非為敬之主為卑故在尸後也

商祝辨乎喪禮故後主人

集解鄭子曰商祝祝習商禮者商人教以敬於接神 正義  
商祝者殷商之神祝習商家神祀以相佐喪事故云辨喪禮



其雖掌喪事而非發喪之主故在主人後言立處賤也  
是故德成而上

正義上謂堂也德成謂人君禮樂德成則為君故居堂上南  
面尊之也

藝成而下

正義下堂下也藝成謂樂師伎藝雖成惟識禮樂之末故堂  
下北面卑之也

行成而先

正義行胡孟反先猶前也尸及喪主也行成謂尸尊而人孝  
故為先成

事成而後

正義事為考故為在宗商二祝也識尸及主人後也

右禮記



Table of Contents

Introduction	1
Chapter 1	10
Chapter 2	20
Chapter 3	30
Chapter 4	40
Chapter 5	50
Chapter 6	60
Chapter 7	70
Chapter 8	80
Chapter 9	90
Chapter 10	100
Appendix	110
Bibliography	120
Index	130



